

幾亭外書

幾亭外書卷二目錄

隨處學問

上聖遠色

自慊獨以色喻

聖賢論財色同異

財不敵色

佛拗過天地

佛戒有斟酌

真切談空無

空字不謬

佛法獨善

佛未嘗平等一身

答周西玄問

佛不中庸

昧天地性

佛家慈悲不可非

遠庖厨

佞佛以其所厭

佛家神通無用

釋有中庸

邪道誤國

釋教無益中國

亂世以釋教持世

誤認佛經寓言

超度追薦之謬

佛只欲人懺悔

進香之愚

護法興寺之愚

士不如僧

爲天竺設清規

叢林害民

佛無利用厚生

精靈或有或無

成住壞空

有無常斷

釋氏昧于分殊

佛道雖既成不足致治

離岐身心

佛學皆二

理氣皆不測

宗教不能一貫

佛學莫非利

人情喜滑稽

異端智愚狡朴

受佛誑動

天堂地獄有無

徑山禪僧問答

天主教

二教亦主無欲

二教偏陰陽

異端遇聖而阻

釋道各謬

道家失老子本意

老子寂寞于楊墨

無悶我貴之別

程朱不仙

命無所以然

雷從起處起

水火于氣近

火有象無形

心性分上下

窮理則不厭

一句一事

福德非二

名福有理有欲

壽以改過爲福

不得作孽是福

學處富貴

俱做俱休

可使物盛而非太

聖人說二舍三

心迹之辨非是

言行之本在未發

察安在行

以義制嫌

禮樂列六藝

至當處皆合

遠道干譽

教開養

安信懷互言教養

勝古愈不如古

七出難行

用財因人

周急

周急繼富

財字不難覷破

財字又難覷破

慳儉

奢總出于不惜

識得成與有數

福星

澹泊醇龐是盛

全身惟不仕

目前桃源

無事可爲之害

士反自賤于民

讀書爲修身

名教名義

烟霞是道非道

人要率真

率真乃冰月

巧猾爲自棄

慧有浮實

棒喝

學求去過

夏夜觀雲

五了了

文盛衰不隨世

人文上下截

詩與文異

詩不躐實

詩以澹嗜慾

詩忌露句

何者爲詩理

白詩得老子意

唐絕句第一

擬詩踐迹

乙丑京邸答揆字

清忠生死仁未仁

匹夫比召忽

道祖學祖

老子不犯手

莊生糝糠

侯生烈而智

孔明不必言悟

莽操擬古人

司馬懿畏孔明

景純爲命誤

學陶有法

東坡譏梁昭明

著察在忠孝

武侯大著大察

朱文公最重忠義

東林自有定質

魏忠節有膽

信不信皆病

明暗淺深意象

心光直長

膽出于仁

華夷同天殊地

安親不可避嫌

捨然後省

夢皆因想

夢與事循環

怠生忌

志惡因無志

凡似聖

習能晦生身之人

知人反自害

明哲全歸

孔孟講說

講學爲何

危微

中禮非僅步趨

未發自慊

脩悟

路貢發聖人之蘊

聖學只在安百姓

周孔芥蒂

不朽惟仁

多能不可學

堯舜伊

充惻隱之心

學道在濟人

王政惜物命

勸人爲善

庸德勝玄言

天人不二

微旺迹衰

各隨所見

太極主不測

無極無善

毫釐千里

常人有從容中道處

能舍爲量

賢人以下無橫逆

內自省爲非禮設

審問

樂與敬近

憂勤惕勵

三才各有易

異端出于易

二氏反求諸已

心曰正不曰虛

志是而教妄

實無無念時

轉語多反生病

無分別是意

是非無往不存

先覺有不覺之時

禪家作用近霸

因果輪迴

跳躍非自得

大人微明

真學問真聰明

無才只因不學

人品學問分合

明道于數隨悟隨忘

命字聯天不聯天

記命不記命

陰陽不專配君子小人

陰類感召

臣致君睽

政因愚賤

漢武好大

取與一義

多財益過

孺慕非兒女情態

童蒙貴少見聞

幾亭外書卷二目錄

終

幾亭外書卷二

隨處學問

平湖

屠象美

全閱

嘉善

周丕顯

上聖遠色

上聖涉而不有。日在聲色中。心不動。耶。日期寡。慾。卽不近色。此謂上聖。爾若日近婦女。而一毫不動其心。猶禪者索淨土於娼家也。其法門似高於神聖。其弊必爲下流。日期寡。慾。卽決意遠。

色易能爾何遽爲聖功曰是上聖一事也事事決絕如是何謂非聖

自慊獨以色喻

自慊不以利名爲喻以好色喻利或奉妻妾周窮乏雖均動于欲猶有爲人時也名或歸所尊被所親雖善用以理猶有爲人時也爲人之心獨至好色而絕

聖賢論財色同異

孔子特重色關朱子置財色上果異耶曰世間

遺○理○害○人○之○事○因○于○財○者○最○多○此○是○人○人○相○往○
來○息○息○有○交○關○處○只○看○目○前○相○與○之○人○豈○有○立○
意○欲○害○人○者○每○至○臨○財○不○能○照○顧○或○至○破○人○家○
業○析○人○妻○孥○戕○人○軀○命○皆○忍○心○爲○之○嗜○利○則○喪○
仁○仁○喪○則○禮○義○智○無○不○喪○若○于○此○處○澹○得○下○品○
格○事○功○果○然○已○有○幾○分○富○貴○之○士○皆○澹○于○利○貧○
賤○之○民○皆○遠○于○害○矣○色○病○雖○淡○與○天○下○關○涉○時○
少○自○害○居○多○夫○子○特○重○色○關○拔○慾○本○也○朱○子○置○
財○色○上○救○世○害○也○何○害○其○爲○同○

財不敵色

朱子云、學者打破財色二字、方是小歇、足恐尚是籠統說世情。若論世間智慧男子、誦讀上得趣、義理上研窮、二種受病、豈得一視考之人情、澹于財利者甚多、或因官爵、或因名譽、猶矯之也、乃有生來恬澹者、生來慷慨者、亦有家本優厚、日涉而心不存者、至如好色、特有甚不甚、疇能超然于其外、澹然于其間哉。陽諫議元魯山、自不可訓、然須如溫公四十未有子、夫人爲娶

別室而終不肯近。伊川先生從少稟薄一味寡
慾至七十外力健如常。劉元城四十絕慾念從
不動如此。方謂不好色耳。遍觀諸賢誰跳出此
字。梁溪先生語余云。吾生平無二色。至四十九
遂絕夫婦之愛。今六十矣。受命驅馳百有餘日。
寒風爲衣。霜月爲餐。簋與爲室。鷄鳴而興。更餘
乃息。從無一點疾病。良繇平昔身心稍有安頓。
亦大得絕慾之助也。噫。此真人龍也矣。蓋數十
百年來。僅見此人。所以佛氏云。惟有一耳。彼已

知財之爲累。敵色不過。儒家兼說財色。見得欲字周到。佛家單提一色。見得欲字親切。儒家兼砭俗人肺腸。佛家專敵學者骨髓。聖人言賤貨。遠色。貨之爲物。自不得遠。亦不必遠。一眼看破。直賤之而已矣。色則自不可涉。涉便不能賤之。特設一法。不令近身。不令入目。庶幾濃者可淡。淡者可忘。聖人亦視色病獨淡。不肯與財同視。乃與佛相合。

佛拗過天地

天地交合男女媾精人道之所以體天而人類之所以生生也然未免是人欲滿世界皆色身人滿世界皆好色漢何名爲道佛氏一眼看破欲根不肯學天地行事不願合不願生立定出家此身雖從天地交感中來旣生以後被他自己做主張拗過天地出家二字便是他所云跳出三界天上天下惟我獨尊的根子其餘無限妙明神通都從此發出仙家亦主絕欲然坎離鉛汞上下往來但俗人取于人彼自取諸身耳乃

竊取天地交合之意爲一身用所以尊天敬天
聖人身處天地之中順行天地之事但涉而不
有無世人淫溺之情有佛氏超脫之妙乃生機
而非嗜慾也佛氏不屑與天配仙家不能與天
配聖人恰好配天論自處亦極尊論至理亦不
妄論治天下亦可以通行聖人之道無佛萬世
常便常存佛若不得聖人之道爲宇宙統御人
類盡數出家恐六十甲子一週天之下地之上
寂寂寥寥亦紛紛擾擾但存山川艸木羽毛鱗

介而無復人羣。四大部洲作何光景。

佛戒有斟酌

或問絕滅人道。佛教大少斟酌。曰不然。殊有斟酌。在彼明知身從色來。終無絕理。雖標斯義。世必不從其戒。云三不邪淫。特下此二字。不禁配匹明矣。出家不娶。乃揭衆情所最係戀者。以身割斷之。衆人所最不能爲者。以身榜樣之。欲激發天下高明之流。破除嗜慾耳。不望世人之槩從也。至誠兼善。彼實不能自是。高人潔身之法。

真切該空無

太極生兩儀兩儀終是形器聖人論極至處何故只云法天豈法形器不法太極也耶佛氏藐天而主空無意似高于聖人豈知無極何處可見天地之所以生成萬物者卽太極也心合天地卽合無極言則天希天正是則無極希無極也此聖學極真切處真切該得空無空無安能真切

空字不謬

佛家空字不謬。但不識誠固自空。

佛法獨善

佛在本國。獨自潔淨。一切衆人。悉聽婚配。何以故。爲知天地初闢。生氣化氣。結成多人。中分男女。男女既立。天地生化具在。人身不復自結。若不婚配。人類頓絕。絕滅人種。斯罪至大。諸佛爲是故。自嚴戒行。不律衆庶。視人與我。明有分別。夫旣分別。何得兼成。成已成物。道不如是。以故佛法說極廣大止。是獨善極其意願。將令道法。

遍十方界。周億萬劫。乃在當時。乃在本國。已不能通。其云平等。亦復如是。無善惡相應。無取舍相應。無低昂相奉。我謗我尚。當一視。況在歸依。更何分別。乃于衆中。列出十大弟子。顯示低昂止據。目前平等。果否。以故佛法所說。所行。悉無應處。

佛未嘗平等一身

一體之中。有分別。是自然。無分別。是矯強。聖人因其自然。自然行得去。佛氏強欲平等。何嘗強。

得來口口言萬物無別其于自身乃竟有差等
焉。所去者髭髮耳。髭髮于身至緩也。非亦其不
義之義乎。一身原不平等。而人猶惑其平等。萬
物何耶。

答周西玄問

周西玄曰。釋言蟲魚皆有佛性。儒淡非之。然亦
言萬物一體何也。曰。萬物俱從陰陽太極來。原
出一體。其間煞有差等。不可推算。所以爲不測。
若人鬼衆生迭相往來。人物遞化。必可推算。則

造化死矣。聖人知其一體。故仁之愛之。非獨鳥獸蟲魚也。卽無知無血之艸木。猶有斧斤時入。方長不折之愛養焉。其間差等。一一因而與之。是謂一體萬物。見爲一體。自不能恣。豈廣大其教說耶。禘之爲義。爲天下人物報本反始。亦是實不能已。作此禮制。學須識得此意。然一體中差等。不可爲廣大淆惑。手足衛腹。心髮甲有時。脫落人之一身。亦有差等。周濂以爲然。

佛不中庸

復禮似有個禮在。及言其目。但于非禮者絕之。更有禮在何處。以仁存心。似有個仁在。然仁人心也。謂以心存心。不可謂以心存于心。不可及云。非仁無爲。原來無不仁。便是仁。更有仁在何處。寡欲之人心。不存焉者。寡私欲去盡。心便全存。無欲是存。何嘗尋箇理存在心內。聖人立教。無弊如是。總之本體到極。無踪影處。則指曰理。禪家必指曰空。工夫到雜念全無處。則名曰敬。禪家直名曰覺。謂聖人異于禪。亦可謂聖人併。

包禪宗亦可而禪之立教則禍世與醒世不啻
相半指其弊端不可勝指看破病根總括一言
曰不中庸

昧天地性

芻狗萬物失天地心。平等人物昧天地性。保合
太和。惟人能事人。能既盡。艸木鳥獸咸若。佛教
慈悲。單說好生。勸止妄殺。多茹澹素。破饕餮性。
豈非正道。何反賤視人類。夷之禽獸。甚至自殘
其身。割肉喂鷹。投崖飼虎。是欲置人居禽獸下。

成混淆。見成顛倒。見遂罔衆生。然指供燈跳爐
鑄像。種種殘賊。云報佛恩。豈非大哀。佛說我法。
亦先忠孝。四大雖暫。父母遺體。戕已事物。是名
何道。

佛家慈悲不可非

隕霜殺物。天地不得已。祭享殺物。聖人不得已。
誰能以殺爲仁。不殺非仁。設如是。反不見天地
之心矣。釋言人物無貴賤。蟲蟻皆父母。是乃混
性忘倫。

高皇謂其暗助王綱。亦好生之意。

乎。明。不。可。以。爲。典。要。或。曰。暗。助。畢。竟。何。所。指。曰。
佛。仙。大。意。總。言。福。善。禍。淫。

遠庖厨

佛。戒。殺。生。欲。天。下。皆。慈。憫。君。子。遠。庖。厨。似。獨。全。
仁。愛。而。以。慘。忍。之。事。屬。小。人。無。乃。善。與。人。同。之。
意。反。有。未。盡。乎。曰。此。無。他。說。勢。不。得。已。如。佛。意。
固。善。然。充。其。類。豈。惟。不。食。肉。併。當。禁。蠶。桑。蠶。桑。
廢。恐。天。下。之。寒。者。多。矣。佛。至。此。亦。無。可。奈。何。便。
見。聖。人。不。禁。宰。夫。之。意。況。茹。毛。飲。血。上。古。民。風。

生而已。然聖人第教之。水火非始教之殺也。其
後漸設爲禮制。正禁使不得妄殺。非縱之殺也。
聖人雖不得已而殺。然愛物之意常寓于法中。
佛氏欲愛物。到極處。反不能顧。仁民欲仁民。到
極處。反不能顧。親無他失。其自然之條理。故
意雖廣。而道多窮耳。

佞佛以其所厭

佛戒貪癡形骸。皆幻。何況室宇。自五代暗主。不
識佛法。謬聽愚僧尊崇形迹。巍煥其居。金碧其

軀延及季世。日新月盛。總費夫產大經。人力剝
骨造殿。塗血成像。佛而悅此。貪癡孰甚。我想諸
佛慈光。慧劍憫彼僧衆。本非佛心。僧自佞佛。衆
癡無識。又佞衆僧。佞佛以好。佛本無好。取所厭
惡。奉佞諸佛。自作癡迷。簫鼓世界。暴殄縱侈。天
人空費。試觀武曌。佞佛最弘。像宇盛麗。古今無
匹。毒螫醜穢。福德如何。梁武愚惑。意同事異。現
受亂亡。空遺懺名。求福福去。消災災至。疲天下
力。佞佛不靈。若果信佛。貴人恤民。富人濟民。慧

人。教。民。信。心。空。迹。只。行。現。在。莫。愁。未。來。休。詢。過。去。

佛家神通無用

佛家本領工夫、有心無理、高子所謂認心爲性、是也、其神通作用、亦有假無真、假者非謂其無此神通、但無實濟于天下、便是假處、如餐鐵鉢、天花亂墜、舍利放光等事、皆詭譎奇異、驚炫耳目、仔細思之、與世何益、到得凶荒兵火、求其轉歉爲豐、寢息誅殺、任是祖師說法護國、不能解。

救分毫則所謂奇異神通。適供兒童之玩弄耳。
未嘗學問人。卽未辨其本領之誤。第念作用幻
妄無益如此。寧不輾然一笑。廢然棄置耶。敬齋
往往斥佛爲愚。佛在天竺。乃大智慧人。非愚也。
我中華人士。習周孔而心釋迦。高者挾無主之
靈心。卑者驚無用之奇跡。則誠愚耳。王縉元載。
至謂唐祚安延。全繇佛靈暗佑。致代宗吐棄英
賢。蔑略氓庶。忘功賞。忽政事。豈非賊民誤國之
下愚。

釋有中庸

佛家不貴神通。彼亦自有其中庸也。況于學聖人之道。而索隱行怪。然雖宗門。畢竟多奇。且如石人點頭。與百獸率舞。亦儘相似。但聖人假于物。以顯神得之。奏樂卽平常得之。說法卽奇異耳。聖人謂是不必。世俗認爲不能。

邪道誤國

善易者不言易。莫過于孟子。雖異端亦有之。得仙佛之真者。必不以仙佛槩天下。司馬承禎對

唐睿宗陳希夷對宋太宗皆清心治世之正道。卽達磨之廓然無聖亦不以崇隆迹象爲梁武望也。惟樂大李少翁之屬乃挾嗜慾以欺世。主身亦受戮。此豈知仙者哉。夫彼之知道者猶自舍所學而不言。而讀聖人書有臨民之責。居匡時致主之位。顧拾其必不可行之唾餘以誤君。蠹民罪浮于樂李矣。此非但帝王聖賢之賊。亦達磨承禎希夷輩真知仙佛者之棄人。

釋教無益中國

佛法盛行。皆乘亂極之世。彼亦坐觀天下之亂。而不能救也。如佛圖澄。見信于石趙。鳩摩羅什。見信于姚秦。夷用夷法。卒以不振。唐代宗遇寇。退卽講仁王經。而將士解體。華用夷法。卒亦以不振。二僧者。皆彼所謂大慧人也。平居樂其供奉。有急則束手無策。與慕榮寵之俗夫何異乎。達磨聞華風而來。見道不可行。亦不足以救中國之亂。面壁長逝。其智如此。真彼之得道人矣。故佛道之于中國也。治則不行也。亂不足以救。

也。慕而尚之。則足以損治而招亂。惟正道盛。則彼道自衰。醫家所謂大積大聚。衰其大半而已。其餘則以元氣勝之。此真除邪之妙機也。崔浩智於料敵。愚於衛道。乃欲祖亾秦坑儒之法。加之緇流。嗚呼。彼不幸習其教。亦當何罪。而況浩之邪袞。又以尊尚寇謙之之故。欲斬佛教而獨昌羽衣。是以邪而攻邪也。

亂世以釋教持世

人類是三綱的人類。世界是五常的世界。梁唐

亂時帝王皆尊僧講經。是以遺外三綱之人。主持人類。以筏棄五常之法。導引世界。明明做用。夷變夏的訣竅。懷率獸食人的心事。風俗敗壞。宗社丘墟。皆自取之。

誤認佛經寓言

佛教多寓言。如觀音經所說。都是借喻。萬般譬。慾便是枷鎖。刀鎗。一念覺悟。便是立地解脫。貪心呆漢。認作實事。一面狗慾。一面念經。一邊害人。一邊禮佛。只道果堪退除。豈知口誦者虛身。

行者實叩頭焚香。佛不介意。同類受苦。慘恨難消。反借慈悲勸悔之法門。恣助狠貪。虺毒之作。用既設無窮地獄。必首收此輩。投之。諒不因譴拜勤勞。受其譖而寬其咎。

超度追薦之謬

僧家傳裝佛寫經功德。歷歷有徵。如云某人生前曾害某。誦經若干卷。超度冤魂。遂散某妻生前好食蟹。罰行蟹山。後遇其夫于途。求寫經若干卷。遂得脫苦托夢致謝。此類不啻以百計。且

勿論其幻妄。卽據所云。非誘人慈悲。直導人縱惡殺生。爾冤鬼求雪。不雪不止。實行他善。猶難退消。空口誦經。何功何力。冤魂何與。況又倩人代誦。耶。寫經若干。亦于受食之蟹。何救。況其夫令人代寫。遽可免妻于蟹山之行。則凡富有力者之家。不惟可以自救。兼可救所愛之親戚矣。官正吏清。賄無用處。佛門清淨。乃惟錢神可作德。可解禍乎。此說旣流。殘忍多慾之愚夫。最便宜。最得計。傾信而力行之。居官貪狡。不顧民物。

致貲巨萬其量大者不惜于名山大刹特捨數千金建造雄工小者寫經雕佛零星散施沒後又囑子孫念經追薦士庶之徇嗜慾者大半亦然緣心中恃有此種法門此種功德乃是不須存心不須躬行不須積累略能分割囊橐立地成就十分便益遂敢肆行無忌殺物不顧殺人。不顧則此說也。果誘人慈悲耶。導人殘忍耶。蓋非明心見性者之言。貪僧誑愚俗以捐貲托言佛力廣大如斯耳。非但吾道之賊。王綱之賊。而。

亦佛門之賊也。仁者無所祈而愛。智者不待闢而明。向來誤信之流。幸其聞斯而轉。

佛只欲人懺悔

佛說誦經拜佛。可以消災增福。蓋因一旦省覺。便于佛前發願立誓。從今日後。盡改前過。決決乎諸惡莫作。衆善奉行。乃以誦拜表懺悔意。非以當懺悔之實也。緣何崇佛之人。便思誑佛。真謂禍福之權。不操于天地鬼神。盡操于佛。常誦常拜。常貪常奸。若欲欺佛。佛大靈覺。豈得受欺。

若欲求佛。佛性空虛。自禍自福。聽汝作受佛不攬柄。若欲自欺。或安或疚。朗朗在心。欺何處着。若欲欺人。我自苦樂。欺之何用。所以今人誦經拜佛。我且不非。只問誦時心欲何爲。只問拜後身行何事。是悟佛法。再審佛法。

進香之愚

近觀南海上天竺。焚香愈盛。一春不知費幾何金穀布帛。幾何男耕女織工夫。養蓄羣僧。可謂極奢。率極佚遊。又貴家少艾。至寺拈供。無賴窺

調亦極傷風化。海波萬丈。舟或漂覆。老母哭子。幼兒號父。亦極慘肝腸。而彼衆愚。目擊凶危。恬不知戒。此實僧家大罪太孽也。若論佛心。全欲扶窮濟困。爲焚香之故。至于傷財。佛已不樂。況因捐命。寧不痛加憐憫。恨禿輩之妄衍其教。以害顓蒙乎。僧恐後來起不信之心。則又爲之說曰。凡以焚香死者。皆前業也。不然。心不誠也。夫消前業。正須作善。豈在焚香佛前。況前業既定。雖燒香。仍不能免。則燒又何益。若緣心不誠。則

有全舟淪沒。豈無分別其間。旣辦誠心。在家出家。亦作同觀。又何必踣躡海外。皆奸僧之所誑。說而佛靈之所不容。雖曰愚夫愚婦。未嘗無明。可開。使聞斯言。略曉一分。菩薩本心。豈肯永墮奸僧羅網。

護法興寺之愚

近世習氣。多爲僧家護法者。或惑于福田。或慕其名高。或因以規利。讀儒書以得人爵。假人爵以翼異端。于彼爲推波助瀾。于此爲操戈入室。

良足羞也。無他。狗欲之心。害人之事。平生不少。狗欲恐品俗以護法。清之害人。憂冥報以護法。消之。其甚者。又喜興復廢寺。寺而爲一二豪勢所佔。復之可矣。編氓密止。逮及百年。驅以佞佛。不亦慘乎。求福念勝。不顧名義。不惜閭閻。噫。吾未聞毀名義。害閭閻。增孽於現前。而反可種福於他年。

士不如僧

每見士大夫卑孔孟。薄六經。未見僧家非佛祖。

笑菩薩是士大夫之智反不如僧也尊悅內典者多詩書之家輝煌梵宇者半冠裳之客未聞緇衲效一番一鋪于宮牆是士大夫之力反爲僧役也無他歆羨畔援焉而已矣然旣甘畔本旣真羨禪何不削髮入空山走溪林而仍汨汨於冠裳田宅妻孥之間當又是齊人之變局。

爲天竺設清規

杭之天竺香火甚盛而寺僧無不殺生酗酒寺之外屠家甚多俗傳觀音有靈凡寺僧養猪卽

幾事小書

復何嫌。天下名山叢林。香火僧徒盛集之處。宜
緊準此意。

叢林害民

或說五祖之設叢林。以恤老病。不亦善乎。助養
濟之所不及也。曰。養濟以健。周病以壯。周老以
民。養民。今釋氏能以僧養僧乎。其健壯者。且不
農不工。坐食而用。皆以民養僧也。又其學不本
仁義。名爲憐憫。其實利之。彼老病僧衆。廣募錢
財。投納寺主。方得收入叢林。是吾民又代彼養

老病爾。故叢林愈盛。則民生愈貧。民生愈貧。禮義不生。盜賊益多。蓋叢林之害天下深矣。五祖特以救彼法之窮。吾民何利焉。王政何藉焉。必也健壯之僧。皆緣南畝而服勞。自食其力。以有餘。周恤其黨。則吾無惡焉爾。

佛無利用厚生

聖人舉心開手。莫非正德。利用厚生。爲百姓勞心。事事欲處置停當。佛學據他。只是正德。且又正得一截。至于利用厚生。完全忘却。不勞心而

不肯勞力不能治人而欲安然食于人真王政之大蠹彼富僧坐享貧僧乞食不爲士之尊優則寧爲游惰之賤總之陰耗耕織今亦難責之爲他業只是驅使力田蓋止剃度最爲上策恐急切未能行從其易者爲之兆

精靈或有或無

人死示靈異以爲必有則古今遞積日增一日矣以爲必無則如伯有之事甚衆邵子之智猶云世固有有不無之物物非有卽無此亦理

未窮之言也。故純公非之。釋云：輪迴則天地間人多卽鬼少，人少卽鬼多，豈成造化？且于目前物類有知或化、無知或化，有知更不可通。俗云：若有若無，尤屬恍惚。物有卽真有，無卽真無，安得介有無之間？是五者皆惑也。大德無聲臭而長存，強厲不遽散，昏蒙衰朽之人，應時散爾。定之曰：或有或無，無固儒門之言，有非輪迴之旨。

成住壞空

問程子謂成住壞空爲佛見之妄物有成壞無住空此說如何曰赤子日長一日卽是日消一日中間更無停處程子之義精矣推而萬物皆然若中間有須臾停泊是造化有間非無息矣但世間自有一種住物金石是也金之出土山之在地其質則不長不消若欲每物加成住壞空四字則何處着得周西玄曰兄論佛法諸說甚善雖云推駁然佛心佛法亦賴以明與悖然度視者懸殊良可砭愚僧之痼癖獨說無住則

未謂然。凡物成卽住于成。壞卽住于壞。生長卽住于生長。運行卽住于運行。豈真以住爲住。而必云無。曰。兄言玄矣。艮之行庭。不獲其身。行非不止也。止則非住也。止于至善。最多活潑變化。止非不行也。住則不行也。住于生長。住于運行。可以言心。難以言物。彼對空言住。謂凡物旣成之後。未壞之前。明有一住在。實于物情不合。若以論心。則彼固金剛不壞。併成壞二言。皆贅矣。心外無物。實無物足以侔心。周研心內。典多玄。

悟與余數數微辯未能相易亦不相非也因記其說

有無常斷

儒不言有無釋不見常斷至說死處各未免有病釋云輪迴墮有也儒或云聖狂俱歸漸盡是斷也聖人就人身上只說原始反終就一大片只說陰陽不測有無常斷夫焉有所倚

釋氏昧于分殊

釋氏知理一不知分殊視犬羊螻蟻與人同性

只要廣大慈悲。既視犬羊如父母。則視父母亦犬羊。曾見一僧主持大叢林。四方嚮慕。坐次偶問其家世。彼云從無兄弟。數十年不歸省。前歲偶歸。老母猶在不數月而死。遂了俗。因觀其情貌。毫不悲思。轉似以親之速死爲勝緣。彼視之誠無異于犬羊螻蟻也。然且慈悲螻蟻。何故反不慈悲二親。異端沉溺。人心淪喪。一至于斯。不覺淒絕。陽明先生曾點悟一僧。歸養其母終身。彼僧固有不安心。堪爲點悟地。然余之不能

動物有愧先生多矣并識以自警

佛道雖既成不足致治

或問釋氏離事物以明心其道雖既成終不足以治天下其說如何曰彼不欲理會事物是誤認事物與心爲二一切屏去理義此心方得寂然堅守虛空久久成熟心非不靜心非不明止是虛光景及至感觸經綸心仍爲其所撼若漫然仍不理會便謬錯迷惑豈不害事所以古今名僧用事止見增亂未見致治姚廣孝自是好

殺雄殘之人。偶落在和尚局中。僅窺戎機。不識治道。

離岐身心

聖人提身。佛氏提心。聖人見身爲天性。提修身而心意知具存。佛氏見身爲革囊。厭棄之特甚。論道者必以合一爲高。何故于此反以佛之離岐爲妙。

佛學皆二

毀形骸以成道德。何謂修身。空理義以求真性。

何以治天下國家皆二之也。道一而彼二。

理氣皆不測

何者是理之不測處。不勉之中。不思之得。是矣。
何者是氣之不測處。莫爲之天。莫致之命。是矣。
理氣同歸于不可測。據佛家言。皆有爲。皆有致。
是天命可測也。而言心則又云。不可思議。是二
之也。二之則不是。

宗教不能一貫

宗教果異否。曰。此釋氏不能一貫處。若在孔孟

則同。下學而上達。教亦何嘗非宗。求其放心而
已矣。宗亦何嘗非教。心存則言行自無畔矣。非
置言行而虛言心也。借釋言儒而儒教之一貫。
釋教之離岐。昭然可見。至于朱陸異同。陸自涉
禪心耳。然其立言制行。皎皎如白月澄泉。又豈
後世口談禪理。躬爲非僻者所敢擬議。

佛學莫非利

後世不透佛學者。認福田地獄之說爲利。認了
生死空諸所有爲道。惟程子謂怖生死故欲了

生死畏有爲累故欲空之莫非利也透盡其心
曲無復躲處周西玄曰然則聖人欲作聖亦利
耶曰聖欲作聖與佛欲作佛固無異心然聖作
聖便從人人可通處作之佛作佛却從獨自可
行處作之如逃父棄妻天下人必不可學佛亦
明知不可而自顧力量所能便斷然行之不顧
只成自己不顧他人揀擇便宜是利心是利學
耳豈以其欲作佛爲利耶周默然而笑

人情喜滑稽

大忍。悟後。則主于大悲。僧又言。公日常讀書。日
常涉事。豈能無思量心。豈能無分別心。是大害
道也。余曰。不出其位。動亦得靜。是謂思合于何
思。思者。作聖之門。特患妄思。思豈可廢。一于主
敬。是無分別也。是非善惡。若無分別。何以躬行。
何以時措。患妄分別。分別豈爲害。且僧以周公
孔子爲聞道否。僧曰。周孔大聖。豈不聞道。余曰。
孔子終夜不寢。周公繼日待旦。因不合而求合。
非思量乎。非分別乎。特心不爲思量分別所繫。

耳。學者當正用其思量。善用其分別。善用之則
睿冥絕之。則頑僧以周孔不聞道。猶可也。以周
孔爲聞道。奈何以思量分別爲害道。噫。世間專
尚靜坐。不窮究義理。不理會事物。謬迷荒忽。如
茲僧者。蓋可勝計哉。

天主教

萬曆間。有利道人者。自大西國來。欲播其天主
教。觀其大旨。卽上帝也。然畫像而拜。視上帝如
一人。以崇禮爲事。而全不知心性之說。淺陋遠

出佛氏下。然闢佛最甚。以其教專尊天。而佛尊
已卑。天故也。佛氏妙高。然近于無忌憚。天主教
膚淺。然與佛氏對鉞。今彼國人在中華者。不下
千計。華士頗亦信奉之。利道人穎慧殊絕。至中
國。裁數月。徧通華言。識華字。讀華書。遂有著述。
頗亦不凡。以故能聳衆。又多巧算奇器。士之好
奇者。多師之。尋上其奇器于朝。神宗命
所司收貯。而無他爵賞。道人快快不得志。未幾
病卒。其徒衆僅能傳習其器算。而穎慧莫之逮。

也。然士夫間服習之者不衰。佛在天竺。猶周孔之在中華。天主教之在大西。亦猶佛教在天竺。彼以自爲其國教主。爲未快也。覺氏來于東漢。此教又猝入于今。嗚呼。無亦乘運而至者乎。

二教亦主無欲

道家以無欲成其大欲。佛捨己以慈天下。皆主無欲者。二氏之所以得混于吾道也。聖人盡性而天下統焉。其爲無欲。不與二氏同。

二教偏陰陽

佛。教。陽。也。說。至。于。極。有。形。相。皆。以。明。其。空。也。仙。
教。陰。也。存。至。于。無。可。名。道。皆。以。留。其。有。也。偏。陽。
偏。陰。惟。聖。人。則。通。徹。陰。陽。高。子。併。陰。佛。教。而。專。
屬。聖。道。于。陽。者。務。民。義。也。故。又。云。陽。全。陰。半。

異端遇聖而阻

孔。子。與。佛。相。晤。當。如。何。曰。佛。必。不。滿。孔。子。孔。子。
必。與。佛。佛。老。雖。皆。至。人。然。皆。自。大。者。也。惟。聖。人。
終。不。自。大。者。也。所。以。一。晤。老。子。虛。懷。求。教。老。子。
頗。加。譏。訕。聖。人。嘆。以。猶。龍。使。晤。釋。迦。達。磨。之。倫。

見其虛曠妙明嘉賞必又在猶龍之上後人見孔子嘆服老子而釋氏廣大實又過之遂疑孔不及老老不及佛不知道同者未至之人必服至人顏孟服孔是也道不同者大能服小小不能服大老子不能服孔子者也非過之也孔子能服老子者也非不及之也仁人以大事小亦此意吾故知孔佛相晤不異猶龍而愚者至以孔子爲二氏之顏孟夫能容二氏者惟孔子能用二氏者惟孔子服之所以容之服之所以用

之。要。之。教。之。行。不。行。全。係。人。心。人。之。從。不。從。全。
視。道。力。老。子。當。年。抱。如。此。識。力。因。與。孔。子。同。世。
遂。不。能。行。因。天。下。英。才。俱。被。孔。子。收。盡。剩。下。者。
皆。是。凡。才。彼。亦。高。算。淺。智。不。強。求。行。也。其。實。聖。
人。未。嘗。闢。之。若。使。釋。迦。達。磨。得。遇。孔。子。想。其。教。
門。當。寂。然。自。寢。于。天。下。不。然。強。來。角。勝。爭。鳴。不。
名。太。智。慧。矣。朱。翟。言。盈。亦。在。孔。子。沒。後。後。世。無。
大。聖。人。出。英。慧。之。士。無。所。宗。依。反。爲。異。端。強。半。
收。用。二。氏。自。不。得。不。行。既。已。行。矣。不。得。大。賢。如。

孟子程朱明辭距之則聖道益晦所以有大聖
他教自然銷冷不必距無大聖他教日漸猖獗
不得不距

釋道各謬

佛家逆不忍人之理。仙家失不忍人之心。佛家
無不慈悲。却先割捨父母。豈不顛倒。仙家只顧
自身。全不照管親戚。豈不殘忍。爲仙不但要斷
嗜慾。且要斷情義。所貴爲仙。不過長自在耳。無
一疴癢着身。無一事物關心。烟霞洞天。逍遙永

久但念自家祖宗父母以及親友子孫箇箇消除代代零落惟我一人獨存若懷一點悽惻有妨自在若不動一毫悽惻豈復人心哉屈原深識長生之理因痛懷宗國反不忍自盡其天年忠憤之氣如是況于聞道之士乎況氣聚必散仙是鍊氣所成千秋萬年究亦同盡紫陽謂之偷生蓋道其真非過激語

道家失老子本意

今之道家專治一身不及治天下與老子馳背

過半矣。老子以無欲無爲化民。又上天乘除翕張之機。亦所深見。第不謂至誠自然。而以爲作意。故其法天而行處。未免墮于權術。聖人見天載皆實理。存心治世。不過一誠。

老子寂寞于楊墨

佛興楊墨之後。老出楊墨之前。佛說微妙曠遠。其充塞乎後世。無惑矣。老子玄簡。亦過楊墨遠甚。楊墨盛于戰國。而老子寂寞于春秋。何哉。思之。思之。止爲當世有一極大氣魄。極大力量人。

在其所感召無不遍則異道奇人之感召遂窮
是故聖人復起不以闢佛爲事大經旣正庶民
日興佛教仍返乎西方而我時夏之間僧跡漸
稀釋典漸廢焉耳矣蓋大覺氏之教其居天竺
原不足爲異端人于中國則異中國人宗之則
異噫時夏通明西方大覺各還其處是爲溥博
無悶我貴之別

遯世無悶只到無悶則已安得反因此自貴知
希我貴不但不中庸轉覺不高明

程朱不仙

朱子作調息箴註。參同契又遠遊篇有云。壹氣孔神兮。于中夜存。虛以待之兮。無爲之先。註云。實長生久視之要術也。蓋于此道不怠情焉。後作詩云。刀圭一入口。白日生羽翰。但恐逆天理。偷生詎能安。意乃決絕。君子戒慎恐懼。不專爲殉慾捐人。即使遺世養生。亦以爲逆天之事。兢兢戒懼矣。明道程子曾戲煉丹藥。垂成一脚踢翻之。毫無所惜。程子能仙而不欲。朱子能仙而

不敢觀此益以見吾道之尊。

命無所以然

極實落有把握。此何物。謂之理。極叅錯。無思索。此何物。謂之命。善推人祿命。雖子平果老識世運。與亾理亂。雖郭璞堯夫。皆知其然。非能測其所以然。爲所以然。原無可算也。理有當然。有所以然。說到命。便無所以然。

雷從起處起

脩曰。康節問伊川先生。此雷從何處起。伊川曰。

起處起。康節嘆服。此似機鋒語耳。固至理耶。曰。至理也。陽爲陰包。出而爲雷。隨其偶出。非有定處。不可推算。譬如人身經脉偶阻。發爲癰腫。神人亦預知其當發癰腫耳。不定其發于何處。然癰腫猶有漸。而雷起猝然。故起處起。實至理也。若機鋒語。康節何以嘆服。假令推得此雷。從某方某時起。其所以然終不可推。

水火于氣近

水有化處。火無分處。能滲開。能滲入。能冰。能淨。

能合能分。能垂空而長。能點滴而圓且方。是其
化也。火光所及。孰是斷處。火體所明。孰是止處。
是不可分也。水火乃形下之至微者。其于氣尚
近。故其用至靈亦至大。

火有象無形

在天成象。在地成形。象者。可望不可親。可見不
可執。象非形也。然總是形而下者。天下之物。惟
火爲象。

心性分上下

人心至靈。何以曰形而下。性廣被于萬物。山川
艸木皆有之。心唯人物有之耳。且蟲魚亦不皆
有心。又人死則心不靈。常靈者性也。形而下者
有時離形而上者。無時可離。心乘氣而靈。而性
主夫氣。故心爲形下。而惟性爲形上也。

窮理則不厭

日從事于窮理。此物交于前。此理卽隨之。而出
研精力。索所未必遇者。觸目可以見之。指掌可
以陳之。所以洋洋優優。終身焉而不厭也。

一句一事

千應萬答。無一句重複者。原來只是此一句。隨感處分。無一處錯雜者。原來只是此一事。人或下一轉曰。何不併無一句一事。曰。此便是禪家多說多事。

德福非二

心思勞勩。任而不辭。功名已成。或先達。或後進。或寮友。或與共之。或舉而讓之。第令君正民安。而君子之心泰然矣。存心如此。則怨忌安從生。

禍患何從至。故德義恬澹與福迎。與禍背。自然之理也。爭功競能。失道德則失吉祥。詩曰。干祿豈第求福不回。伊孔言百祥餘慶。原非有爲之心。不必更言無爲。聖人不以德福爲二途也。自後世要人棄天者衆。不得已復提無爲而爲四字。破俗學之膏肓。然天地之道。鬼神之德。聖人之心。稍稍晦矣。此惟可與知道者言之。

名福有理有欲

名字與福字相似。譽歸一已名也。風世動物亦。

名也。安富尊榮。福也。因之以行道。澤民亦福也。無我則皆天理。有我則皆人欲。所以聖賢言之。不諱。世俗則懷之。不忌。

壽以改過爲福

壽之爲福。在進德最大。在改過尤急。顏苦孔、卓、一間未達。夫子慟惜無窮。吾人時時錯行。時時悔恨。全得年來補救。若未悔過時死。只與鷄犬不殊。若方悔過而死。豈不可痛可惜。天容我改過。與以歲年。厚生玉成。兩途竝到。天壤極可幸。

須臾不敢忘。已往者務要蓋愆。將來者務不失足。方不負皇天耳。在生一日。當修爲一日。世俗却云。在生一日。且享用一日。真大醉夢。

不得作孽是福

吉人富貴。造福無窮。凶人貧賤。作孽差減。哲后長而闇主。促天下之福也。長厚者顯榮。刻削者偃蹇。家之福也。

學處富貴

庭前有橘。薔薇施其上。花光爛然。悅人目也。而

條幹爲其所纏木以大困凡人益富則益護其財。益貴則益戀其爵。護于外者淡而本心日亾。處貧賤而議富貴則多合于義。富貴未甚則自便與便衆半焉。貴極富溢直見已耳。不復顧百姓之利病。然則富貴果足溺人本心歟。不學故也。學須時時提醒之。程子曰。學者學處貧賤患難也。然君子盡富貴之責。小人享富貴之樂。君子得富貴之用。小人受富貴之累。處富貴亦不可以不學。

俱做俱休

或言世運已季、苟足終吾年、幸矣、民生利病、何必經營、其人耽欲、不知止人也、應之曰、人生五六十後、亦是季運、一切聲色貨利、何不速急歇手、狗嗜慾、念民生休、說不同、且作一樣做、則俱做、休則俱休、其人旣去、或疑二者雲泥冰炭、寧可俱做俱休、耶、曰、正謂相反、決無可俱之理也、人生澹得一分嗜慾、自然存得一分生理、克己與愛人、豈是兩心、寡慾與集義、豈是兩事、

可使物盛而非太

物禁太盛其來也或不可辭日增其德令貯福
之器常餘于福雖盛不爲太也譬諸粟盈斗易
以斛焉覺病而不能治者李斯乎寵盛而不辭
德盡而不滋然病將死而不知是又愚于斯也

聖人說二含三

親仁之外有泛愛尊賢之外有容衆俱不及嫉
惡去邪聖人之道聖人之言如此非第忠厚不
肯言實已完備不必言

心迹之辯非是

問文中子心迹之辯伊川謂是亂說他日又云
憂疑有無數句自好如何曰心迹誠有辨孟子
亦言行歸但此正是不可自辯處如孔子心中
明識昭公非知禮被人問只得云知禮又如子
房爲韓事漢迹實事漢如何可自明爲韓之心
梁公爲唐事武迹實事武如何可自明爲唐之
心此方是心迹不同處若文中子所謂憂疑則
有何不得已而分心迹也尋常日用意思形迹

常作二項。表裏不相應。天下有此學問脩持也哉。此必記傳之誤。若云樂天憂世竝行則可。

言行之本在未發

言行是經綸天下之樞機。慎言敏行。本足以畢爲人之事。聖賢又說不覩不聞。說無聲無臭。說覺說著。察此是爲何正。爲言行之本。在此道也。者不可須臾離也。若只就言行用功。則不言不行。時慎敏在何處。卽言言而慎之。事事而敏之。補綴煩勞。斷難得十全無誤。是無本之學也。用

力一生終非知道。惟觀于未發。所謂無聲無臭。所謂不覩不聞。所爲覺。所謂著察。都在此時。此時得養。則動時自然中節。言行可盡善矣。此方是須臾不離工夫。方是有本學問。惟言行所以經綸天下。惟養于未發。所以善其言行中。非天下之大本。而何。後世歸重悟門。固是。但謂君子所以爲君子。自在心曲。言行不足以盡人。于是人倫日用。辭受出處之間。種種疎悖。而偃然自以爲知道。道而不足以貫言行。何貴于道。知道。

而。不。足。以。善。言。行。何。貴。于。知。譬。諸。源。澄。而。流。自。
潔。若。流。果。不。必。潔。則。澄。源。之。力。何。爲。表。正。而。影。
自。隨。若。影。果。不。必。隨。則。正。表。之。功。何。用。古。人。合。
外。內。而。今。外。內。截。然。道。不。可。須。臾。離。而。悟。者。顧。
離。之。畢。世。矣。講。學。而。不。重。躬。行。其。爲。世。道。之。禍。
可。勝。言。哉。迷。者。以。此。了。當。一。生。自。入。于。禽。獸。而。
不。覺。聞。其。說。者。喜。其。寬。便。又。相。牽。而。從。之。空。談。
悟。機。殺。人。甚。于。斤。斧。

察安在行

精神心術雖微少不得在行上看。或云行事不足。察人是反當舍行而聽言矣。又仍不在言天下。寧有此懸空印勘耶。真知道道決不爲此語。真慕道決勿信此語。

以義制嫌

嫌有當避。有不可避。瓜田李下。特一端耳。履失泥中。豈容跣足而去。寇掛于李枝。烏得不取而戴之。君子行事。以義緩急爲制。惟我不必此時則避嫌而少待。彼不藉我則避嫌而已之。若我

非。此。時。不。可。彼。非。我。不。濟。舉。國。非。之。不。顧。矣。何。嫌。足。避。

禮樂列六藝

學。至。于。禮。樂。則。稱。成。人。治。至。于。興。禮。樂。則。太。平。之。盛。然。而。列。于。六。藝。何。也。禮。壞。樂。崩。制。作。甚。難。周。則。周。公。漢。惟。諸。葛。唐。太。宗。漢。有。意。矣。而。文。中。子。已。沒。其。高。第。房。杜。魏。徵。承。明。問。而。慚。悵。若。夫。習。其。度。數。考。其。聲。音。則。孔。門。通。六。藝。者。且。七。十。三。人。度。其。人。不。盡。及。房。杜。玄。成。也。而。況。須。命。世。

乎故興禮樂必上聖習禮樂不必大賢列之六藝微矣夫

至當處皆合

凡事到至當處無不一貫者果合人情決合天理真學問只是體得人情透果便民生決便國計真經濟只是算得民瘼到

違道干譽

違道以干百姓之譽可見唐虞時已有此假學術假功名今世儘有不識治體不懷永晷矯俗

情以舉事。小民只顧目前。翕然宗戴者。雖使究
竟不行。已博一時誦述。其在豪家巨室。私心不
便。深惡羣詬。則又非也。人須自反本懷。我果卓
然無自私之見。果睠然爲民生遠謀。一腔道心。
乃可正其違道。不然。彼矯激慕義。庶幾末俗針
砭。乃以鄙夫下流。而詆好名之士。猶酗酒宿娼。
而揶揄逃禪吐納之流。皆義之所不許也。

教開養

禮義生于富足。自民觀之。養開教也。惟知禮義。

者能足民自爲政者觀之教開養也

安信懷互言教養

安老懷少是養信朋友是教然安則不負戴于道路少者之孝可知懷則無仳離轔岷之嗟老者之慈可知養焉而教在信則肺腑相照憂樂相共而有無相通又不足言矣教焉而養在

勝古愈不如古

事物雕巧言詞奢麗後世種種勝古然志趨凡濁何以不及古人之高明義理窺測何以不及

古。人。之。微。妙。事。業。補。綴。何。以。不。及。古。人。之。巍。煥。
所。開。所。勝。者。皆。閒。事。所。塞。所。不。及。者。皆。正。事。豈。
非。舉。世。誤。用。其。心。之。故。耶。豈。非。教。衰。所。致。耶。

七出難行

天。下。無。無。敝。之。法。聖。人。創。制。亦。無。無。敝。之。禮。如。
婦。人。七。出。內。一。條。爲。無。子。夫。出。必。文。其。名。令。可。
再。嫁。也。以。無。子。出。則。天。下。誰。復。肯。娶。此。婦。乎。況。
婚。姻。古。人。所。最。重。觀。六。禮。之。備。臨。之。以。祖。宗。命。
之。以。父。母。進。門。時。何。等。不。輕。出。門。時。豈。得。太。易。

必須性行不良。乃可捐棄。若命苦福薄。正宜矜憐。無子乃婦人無福處。非惡也。買妾生子。有何拘礙。而必逐之爲快。宴爾新婚。以我禦窮。此詩非荼薺之哀吟。聖人所以見錄于國風者乎。古時七出禮行。則好色無誼之男兒。必有狗彘棄妻之事。近代七出禮不行。則妬忌悍戾之女子。亦有絕人宗嗣。衰人孝友之患。然近代之敝。男子貞智者。猶有法以通其窮。古時之敝。婦人泣血摧心。而無可奈何也矣。擇害莫若輕寧。從今

用財因人

凡用財遇常俗人則稍與之贏我心既安彼懷亦遂若遇君子但須得其平亦與之贏是以常俗待之也。彼覺必辭使彼辭而不得則愈懷歉矣。彼既懷歉我又何安此爲存厚有餘而析義不至。

周急

用財無他。惟使人實實有用。夫子說周急不繼富五字。曲盡用財之法。假如散財發粟却爲奸

人破冒此真錯誤也。決宜查核救正。倘初計所不及。後來增擴過于始規則我一人失之。衆貧人得之財。正得其用矣。何名錯誤。何有改正耶。此言雖小。可以喻大。楚人失弓。楚人得之。霸者之算也。朝廷失之。窮閭得之。王者之德也。惟朝廷失之。奸貪得之。則末世之弊也。

周急繼富

周急是何等心腸。體得二字。切可識一體之誼。雖從不識面之人。豈忍坐視其危急而不救也。

繼富是何等病痛看得二字破可釋馬牛之勞
蓋雖多積以貽子孫亦是繼富子孫得此究將
安用哉直可啞然而一笑矣聖人淺淺論財都
與生死盈虛相貫串世俗口口讀聖人書字字
不依聖人做于富必繼于急不周

財字不難覷破

財者人生所用耳無緣着愛于心愚人因其有
用遂愛而藏之因愛之遂藏而弗用然則藏之
何爲思之思之當亦自笑豈果照妖之鏡斬邪

之。劔。起。死。之。丹。有。利。於。身。者。耶。知。此。則。貧。何。必。貪。富。何。必。吝。

財字又難覷破

財。所。以。爲。用。不。用。則。與。無。財。同。然。用。非。奉。身。也。世。俗。看。財。不。破。者。旣。欲。藏。之。朽。蠹。而。看。破。者。又。僅。自。奢。其。身。一。關。及。物。仍。復。靳。惜。以。此。爲。看。破。其。蠱。溺。彌。深。矣。

慳儉

慳。與。儉。慷。慨。與。奢。侈。判。然。人。我。之。分。何。嘗。相。似。

慳是嗇於施與。儉是薄於奉身。奢是厚於奉身。慳是喜於及物。世人認慳爲儉。認奢爲慳。殊可笑也。希文食不重味。死無殮具。自奉至薄。然膏腴千畝。以贍通族。慷慨無以加。東坡切百文爲三段。每日用一段。而傾囊五百金。臨化焚券。真儉之人。決然不慳。蓋已身既不肯過享。多畱何用。卽爲子孫計。使之不貧足矣。何苦貽以損智益過之資。古來大英哲。厚自奉養者。惟郭汾陽。當時或別有深意。次則謝安石。風流爲宗。宴賞

餽餽動費百金。雖功德隆盛。不妨有此。畢竟亦
豪邁之過。設令當年將此餘貲。周恤隣黨。東山
韻致。豈不尤高。

奢總出于不惜

官府列宴。例用紅帟剪花。觀盤筋下有達官見
此。卽手自裂去。用拭塵埃。似不喜繁華者。然性
實甚奢。人問其故。某曰。凡儉者。隨處必惜物力。
惜人工。見此剪花。宜令人善除去之。因令今後
勿用。則喻意聞風者必衆矣。旣無止後之策。信

手毀壞。毫無惜心。是其性偶厭此。非儉也。于所厭。徑毀。不顧于所好。必濫用無窮。總一不知愛惜之心。非儉于此。而暴殄于他端也。事物至微。亦寓觀人之理。

識得成毀有數

金器雕製。雖極工。其壞也。人情不甚惜。爲其壞可復成。寶玉之碎。變色嗟惋。一破不復完也。天地間。一破不復完之物。必無與天地俱長之理。則碎于我。碎于他人。碎于今。碎于後。日總是一

偶然毀壞之數。奈何毀于他人。則不惜。而碎于我。則惜之。是特惜我所有。尚非爲此物惜也。動情無用。已自不達。而況爲我故惜耶。裴行儉三尺瑪瑙盤。韓魏公百金白玉卮。與瓦甑墮地。不顧同意。只是識得成毀有數。不以物動我耳。容物。容人。容才智。容功業。只有識便有量。管仲器小。亦因識小。故曰器識。

福星

福星所照。其下土腴歲豐。人民樂康。受享已極。

必轉蕭條。或受兵戈。是人之所以承福者不工。非福星誤人也。如有洞達天人之士。或撫臨其地。或爲其邦邑。縉紳能以身率先。使風俗淳龐。和厚。民皆富而常儉。士多貴而不驕。人才輩出。而不爭功能。所以承天福者至善矣。則雖福星既去。其遺氣猶足以垂蔭將來。但郡縣之制。久不踰五年。而鄉紳權方既微。率先不易。雖知此理。未之或施。使久任之制得行。則斯說也。亦治理之一佐。必不得已。鄉先生徑率先之。

澹泊醇龐是盛

家世澹素繁華者出焉。敗也。世用繁華得澹素者盛也。苛察之家生醇龐之子昌也。其反是替也。濃澹性成不繇物力。石崇王愷業不豐隆不移其侈。孔明桑田復令十倍。澹泊自若。子孫慕效。恒必繇之。其于醇澆昌替也亦然。惟張湯生安世。則不可得而問也。爲父不可爲湯。爲子不可不爲安世。

全身惟不仕

默足以容。惟貴早退。若猶在位。必有萬不可默之時。晏子不討崔杼。裴晉公不討陳弘志。是乃遜行。豈獨遜言。皆哲人之大玷也。諸葛公云。苟全性命。不求聞達。以彼其才。諒無死地。而直云云者。知全身之道。惟在隱居。迫其迫而後起。則盡瘁之志已決。不死于錯誤。定死于勤勞。夫豈身之義難辭也。律以茲義。則古來志在全身者。止而蔡興宗。謫而東方朔。皆非盡善。以其求達之念未忘。

目前桃源

秦之桃源外人不到。後人遇其子孫。以爲太古之朴人。不知其祖父皆絕世之智士也。淫豪奢驕之地。殺運中之地。僻土瘠民。朴事簡。兵火罕及。浙西蘇常出入之咽喉。財貨之淵藪。世治人享豪華之福。世亂人受殺戮之禍。蚩蚩者習其享而忘其禍。痛哉。且夫奢侈之地。殺運中之非直天道。乃事勢也。地不富不奢。非要衝往來之區。人不聚不奢。旣富旣衝。則舉事之所首爭也。

朱子徽人而分置其子於建昌其以爲目前之
桃源乎

無事可爲之害

士子閉戶者有之居官不奔趨不酣樂林下不
求田問舍不驕侈逸遊十不得一矣夫何故止
緣無事可爲凡人覺得無事纏繫是好機括覺
得無事可爲是大不祥機括爲士子時尚有舉
業爲事科甲一到人生之業已完昔子夏戰勝
而肥嘻何相反也邑中先達吾所師友親昵免

此病者四人其一爲丁官保改亭翁居官居鄉孜孜以幹實事爲主非食惡服而值凶年曾舍萬金行年九十乃心民庶時謁當道爲問閭請命不辭勞不憚遠性不飲酒不作樂不出遊雖處鼎貴儼如一鄉里朴實農夫率其質性書亦不嗜或謂所行仁義多涉見聞然此亦何害天下博觀載籍淡談自慊之旨者不少吾終不以易翁次則有子往吳先生余少從之游見其終日靜坐累月如一日寡言寡笑寡筆札寡交遊

惟與高忠憲先生歸陶菴二人最契然忠憲靜
坐讀書而吳師專靜坐以是所得不同其服膺
忠憲亦如七十子之服孔子蓋友而師者也宦
遊十餘年不居廛要時逢璫焰幸免於禍歸休
以來晏然鄉居鮮入城市特以親老子幼家業
羈之所履境界不及三十年前之靜專觀其值
春風逢秋月間與散人衲子盤桓梵宮竹木之
間應不失當年風致也次則有若魏忠節功名
幹濟之暇亦玩禪理亦習古文辭亦作詩歌亦

工行楷其于花柳酣宴驕奢淫佚之事生平未嘗涉骨氣如此可不謂巨擘焉次則有若袁職方了凡翁自少至老手不釋卷雖意見或偏人言未滿然博洽敏辯有問如响又可多得哉此四公者雖所事不同然居官罷官皆必有事者也前賢尚衆非所親炙度非無事之人頃有于誅璫後大拜者向人曰惜今世已無事可爲識者嗤之未幾蒙譴人生安有無事可爲之日古今安有無事可爲之天下哉天下而無事可爲

必爲驕恣爲淫奢卿大夫居官而無事可爲必
爲奔騖爲傾陷罷官而無事可爲必爲多營爲
行樂羣黎百姓而無事可爲必爲棍徒爲盜賊
無事可爲四字是貴賤賢愚之總戒

士反自賤於民

農工商賈各有所爲旣自食其力亦有造於世
惟士不爲勞力之事以其勞心耳今若悠悠泄
泄飲食嬉戲與鳥獸何異士本貴於四民之上
而不知所用心則反賤於四民之下其自喜貴

於民者形骸也。隱然實賤於民者。行事也。心事也。愧哉。

讀書爲脩身

人生正事樂事。不過脩身讀書。然讀書總是修身之助。今世刻本橫行。書旣非書。讀亦非讀。有反爲脩身之累。大可厭惡者。第一無賴。是鑽研曲譜。第二不才是耽看小說。曲譜專主邪淫。小說雜出誕妄。故其害稍輕。外是則推敲詩賦。汎濫諸家。無裨身心。無關世教。廢時能力。博一文。

人之名而已矣。世俗之所仰，有道之所裁，外是則有留心經濟，考訂載籍，漢諸古今治亂之蹟，是有用之學也。錢宗伯有云：經正則庶民興，史熟則名臣出，有味哉其言！但人不先窮經，先讀史，覺讀時無主宰，不過因治亂之迹推求其故。若先用數年工夫，將論孟、易書、春秋大段通曉，則觀史時便到處有把柄，纔見其動念發言，用人行事而嗣後之當成當敗，與其若中廢若倖免若救正之所繇，皆洞如觀火矣。善讀史者觀

治亂而反身善窮經者就身心而通世相爲表裏應分先後耳。然曾有人雅好讀易嘗曰明得易理庶令死去靈明不亂。然其利欲特濃害人。不顧無他誤把知行看作兩截。只道我如此工夫如此算計生前落得嗜慾死後落得靈明。豈知所爲之事惡業具在所悟之理從未親身體貼。臨時彷彿何存。只存得許多悔恨驚慚較之朴實行善之人坦然化去者萬萬不及矣。看此等人讀書讀書亦無用。操此等心學易學易亦

處空嗟乎喜讀書者又可憬然而悟矣。

名教名義

因名立教故曰名教。如有父子之名則立慈孝之教。有君臣之名則立仁敬之教。是也。顧名思義故曰名義。如名為天子當思事天之義。名為民牧當思育民之義。是也。皆指呼謂而言。非譽望也。惟名節二字微有病。史稱吳起爲人節廉而自喜名也。或者名節所從始乎而冠名節上過矣。六字本不見於聖經。蓋皆後賢所立。因名

節二字僅爲中人以下設而習者不察併認名
教名義皆譽望之名非呼謂之名則教義皆爲
名譽設矣豈不大失唐虞以來相傳之意乎

烟霞是道非道

烟霞之味恒與道近正爲洒濯世氛則理義敦
篤耳故澹泊者道德經濟之原若高懷泉石疎
薄倫常于道何與謂去人欲卽存天理可謂契
烟霞卽得身心不可

人要率真

人第一要率真。率真便無渣滓，無曖昧，爲學方有真實得力處。公孫弘布被，曰：「詐。」司馬丞相布被，曰：「儉。」聖人疏水曲肱，有時輕裘佩玉，食精膾細，有時亦止一味率真也。俗子奢麗，旣不足齒，而儉朴恬淡，又生出種種病來。或飲食服御一切從儉，而作家黷貨如饕餮，對人則滿口清風，律身則滿懷污垢，此是機巧人。豈是儉朴人？或雖不妄取，而家之所有，淡藏若鍵，令果恬淡視已物，亦應稍輕矣。何必愛惜？乃爾此是吝嗇人。

豈是恬淡人。恬淡與道合。儉朴與道近。吝嗇與道畔。機巧則道之賊也。機巧以生。爲幸免。機巧以死。爲游魂。可不懼哉。奢麗君子所深惡也。以奢麗爲率真。固不可。貪夫粧道氣。吝夫享道名。亦安能使奢麗者革心而易行乎。雖使終年閒靜。長做工夫。畢竟做在甚處。

率真乃冰月

人何繇得似冰壺秋月曰。只是無渣滓。何繇得無渣滓曰。只是率真。何繇得率真曰。欲少則機。

無用。

巧猾爲自棄

人近於巧猾者。最是棄物以學道。則浮游而難入。以涉世則取憎而難行。

慧有浮實

浮慧之士。喜轉機鋒。實慧之士。務求心得。心得則躬行不待言矣。機鋒何足以括躬行。

棒喝

棒喝一宗。雖爲錯問。其實問到頂尖上。亦須着

一棒既到頂尖更無可答既無可答便不應問問是饒舌豈容答之用棒代答彼我俱得此是立教意然彼佛祖便更圓通點化不消如此今之學者都歸彼教受其棒喝恰似言官廷杖轉以爲榮何不反而思之吾聖人當年立教是否淺淺任人發問從不厭人亦不怖人有叩而竭有聽而悅有莞爾而戲有相視而哂有默然而不應有昭昭然而欲無言賞鑒警策千變萬化視彼一棒多少執板形神自如渾無渣滓視彼

一棒多少着迹而我學人猶然往慕若云世無
宣聖宣聖精神豈間存亾厭家珍而羨沿門向
往雖誠路岐足惜

學求去過

過不出于嗜慾卽出于意見意見亦欲也故學
自除嗜慾而外更無別事

夏夜觀雲

雲聚于太虛俄焉而散則散矣豈必復有受之
之處耶人欲廓然消化覺滿腔子止是清空一

氣

五了了

人有五了了。曰心。曰耳。曰目。曰口。曰筆。五者以
心爲本。而所了。又有淺深。如左史大蘇。此千載
三大文人。筆下了了者也。但所見俱不甚正。亦
不甚深。止可名曰文士。口中了了。戰國時人最
多。然詭譎無義。惟唐李鄴侯一腔忠愛。舌能濟
之。可方端木氏。大抵筆舌又分兩途。所以聖門
舌推宰木。筆歸游夏。後人亦云。漢筆晉舌耳。中

了了較目尤難。簡策陳於前，反覆紬繹，可以漸會。聲過不留心，與之通不多得矣。故聖人獨云耳順，順非特了了之謂也。然足以徵耳之難。此四了了者，皆不可求。求之心，則各得其性之所近。

文盛衰不隨世

文隨世高下乎哉？唐德宗時，乃出韓柳，其治盛於貞觀耶？惟雄傑之人，絕唱難再，前莫與侔。遂曰：至此而絕盛，後莫能繼。遂曰：過此而衰，若使

文隨世盛衰。則爲文章。亦有命也。忠孝節行。爲之皆有命也。處衰世而自勵勵人。皆衡命者也。率天下而自棄者。此言夫。

人文上下截

古人醉眠採花。都有高趣。嘻笑怒罵。皆成文章。何者。淵明天機素心。出生死之外。遊羲皇之上。東坡正議名疏。在朝廷。高篇大牘。滿天壤。故足貴也。有本原。方有餘致。爭上截。不爭下流。近世風氣。專慕其下半。以俗腸而構清言。學韻事。以

非劣才。而蒐綴閭巷猥瑣無益之談。刊布零散。玩弄之書。作者不自賤。而觀者又從而貴之。是相率而爲賤丈夫也已。

詩與文異

詩之用與文異。詩欲令人諷詠而自得。又入耳而灑然。直遂透露無足思維。失詩之本。艱澁晦冥。思而難會。傷詩之趣。惟胸襟超脫。景事適會。自然得之。

詩不躋實

文之用實。聲歌之用神。作詩者若如文章字字
蹶實則動人必淺。故不全貴意。卽用意亦須如
鏡花水月。

詩以澹嗜慾

詩總爲澹人嗜慾而設。淇之上。洧之外。存以爲
戒。今人不知詩所從來。反其本原。拾其風韻畧
負俊才。輒習淫趣。高若晉子夜。次若齊梁艷歌。
下則元曲耳。助流連。增嗜慾。不師聖人之所法。
而學聖人之所戒。栩栩乎猶以騷人韻客也。一

口一筆必自宣其愚以示人豈不哀哉。

詩忌露句

詩忌露何也。詩之用。使人詠歌優悠。露則徑直言之已矣。言者將得罪。聞者反激而不受益焉。不然。或又以功能品節自矜。是以圭角爲詠歌之具。尤畔道之首也。故以爲最忌。

何者爲詩理

多情者能詩。負氣者能詩。情與氣合而得其正。則理在其中矣。賦物而物肖。述事而事明。是詩。

之理也。詩必言理者，滯然謂詩不開理。彼認理爲何物？詩中作如何語，乃爲理耶？不知理亦不知詩。

白詩得老子意

白樂天作詩詞，童婦能解，乃喜與老子下士聞道大咲之。無乃戾乎？下士胸襟齷齪，所見必差。故所咲必道童子天機，老婦無識，正可與上士通。非下士也。白俗遺譏，然溪得老子之意。

唐絕句第一

李于鱗不知詩，又強復好奇，刪古今諸家，選唐名篇，多顛倒，獨取秦時明月一章，弁唐絕，甚當。蓋凡出塞從軍，都寫閨情哀怨，此獨遐思良將神情，在無可哀怨之前，可以警君相，可以感聽觀，所謂遠體遠神，無復聲色香味，最上一乘，真得風雅之遺者也。敬美顧非之，謂僅賞開章四言，又豈見于鱗意。

擬詩踐迹

于鱗擬古詩歌，謠繩尺不移，易云擬議以成其

變化善擬古者。因古成式。自出匠心。古爲而拘焉。襲之踐迹也。非擬議也。

乙丑京邸答揆字

汝云行文欲縱立身欲謹。二言甚善。每憶東坡少子過。以文奇見賞於父。而不謹其身。卒成不肖子。今汝文實未能縱也。幸意與過異。文不必與過齊。文不縱不妨爲舉業。行不謹不可以爲人。且文亦非狂跳爲縱也。見真則自圓。飛翔無束縛云爾。研之熟之。必有其候。雖曰行文立身。

同歸一謹庸何傷。

清忠生死仁未仁

伯夷之清仁。陳文子之清未仁。其分易見。忠無不本於心者。人臣非實爲君國。安得言忠。令尹子文忠而未仁。何以故。楚人仕楚。固其宜也。然仁人必以道事君。當時楚有無王之心。子文未嘗匡救。惟知爲楚人。則欲本國之強盛。食是君之祿也。則不負其事。進退之際。亦聽君命而已矣。謂實心爲君。可謂以道事君。不可大抵仁道。

至微亦至大。害仁成仁。生不如死。仲仁忽諒。死不如生。殷有三仁。生死如一。皆心也。非迹也。謂仁仲以功。何獨重迹而輕心耶。事糾非正。夫子許其改過是矣。然使仲當年無尊周攘夷實心。止爲一身顯遂功名耳。事桓雖是。安可云仁。惟心在匡正天下。則當可以無死之際。畱身以救民。正仲之不見有身。見有天下也。仲非難一死者。夫子亦決不仁貪生之人。若夫器小之責。則以學不知本。功不格心。恐事君者皆以仲爲臣。

極將使正已物正之功。不復可期於世矣。故褒貶竝行而不悖。

匹夫比召忽

嘗疑論語一書字字妥當。惟自經於溝瀆而莫之知也。一語頗不可解。聖人專重本心之安。如何死生之際。乃論及於人知。假令召忽應死。莫知亦應死。果以輔弟爭國。失之於初。義不應死。直言其傷勇可也。何爲以莫知小之。蓋因管仲所正者甚大。所救於世甚長。凡有救正人必知。

之其莫知者。只因完結一身。毫無益於天下。所謂莫知。猶云莫之益耳。聖人視名與德業爲一物。要之畢竟子糾是弟。可以不爲之死。聖人纔肯爲此受賜之言。不然。召忽節烈。彷彿夷齊。于彼則屢屢賢之。于此則匹夫之何太低昂也。伊川先生已闡明大義。竊因其說。併探聖人之深旨。微衡庶令莫知一語。不貽口實。確信論語之書。果然字字妥當。

道祖學祖

伏羲道之祖。故畫乾坤。堯學之祖。故堯典開口。
挈一欽字。後人得此。以悟羲畫而稱三才。

老子不犯手

老子之學。以不犯手爲主。衰周時。未有不犯手。
之事業。故究竟不爲。卽不得已而著書。未嘗及。
一。古。今。人。名。姓。上。不。稱。堯。禹。下。不。非。桀。跖。中。不。
述。時。人。其。立。言。亦。不。犯。手。

莊生秕糠

莊生文人之雄。滑稽之祖。風流之宗。彼其胸中。

亦能銖視軒冕塵視金玉幻視死生但識理不
深不實反淺視聖人其記堯二事一說遊乎汾
水之陽窅然喪其天下焉彼只道帝堯少此瀟
灑一說華封人三祝彼只道帝堯少此分豁豈
知上聖身爲天子形棲人世而其襟懷識度縹
緲高超遊乎萬方琰貢之外寄乎紫雲皓月之
上特代天理民心存日用不涉高致耳莊生疑
聖人所不足乃是聖人緒餘聖人真正本原莊
生從未嘗夢見以此欲糝糠堯舜而不自知其

爲粃糠也。

侯生烈而智

或問田光侯生之死均無謂曰此皆有豪傑之氣第未析義爾仁賢舍生取義此流舍生任氣以故不同然既有此氣令得聞聖賢之教卽志士仁人也豈可輕之然二人又各有辨田光可以辭燕丹可以不薦荊軻則可以無死侯生久受信陵厚遇旣獻奇詭之策救解目前雖欲不死得乎符盜椎奮謀出何人魏王無奈信陵何

則侯生必有西市之行矣。北向自剄，義不受辱。烈士之淡算，豈艸艸哉？王維云：意氣兼將身命，酬七十老翁何所求？知其烈，未知其智也。

孔明不必言悟

聖賢分量只于用處辨之。何謂用？言行是也。看來學問到孟子孔明濂溪明道方無不動之物。或疑孔明學未悟性，高忠憲有言：悟對迷而言也。未嘗迷，何必悟？吾于孔明亦云。

莽操擬古人

王莽擬周公一毫不似曹操擬周文王儘有似處三分有二以服事殷羣雄俱殄終不身禪以此自銘爲安漢公直至弑后屠完乃大敗裂爾反而似者姜里一釋紂不復能制文王蓋滿朝之人皆心服文王而非紂其失本心者數人乃肯助紂漢之末其存本心者皆欲扶漢正相反也是文王以德孚人使動其本心而操不過以術誘權制使人喪其本心也紂當時欲有加於文王不待文王之臣拒之紂之臣蓋必不從矣

故文之爲臣止於敬而紂無奈文王何曹操全失臣道而漢乃不能制操後世見之甚明其在當時則苟或猶爲之所惑也操亦淡矣哉

司馬懿畏孔明

勝而不驕賢將能之轉敗爲功古不多見有恃其長勝一敗而亾國者夫差也恃其善戰一敗而自剄者項藉也恃其衆一敗而喪氣殞軀者符堅也三人者皆非真英雄也能強而不能柔能銳而不能忍能勝而不能敗吾無責焉孔明

街亭之敗、歛兵而逝、不能轉勝形于呼吸、如李靖之輔孝恭、破蕭銑、張綉之襲曹操、何耶、對壘者、非銑、倫與、懿之見畏已極、與秦欲破趙也、曰、有洩武安君將者、斬將之威名太著、則敵慎而難襲、與謂武侯短于用奇、假令淮陰遇懿、奇亦安施。

景純爲命誤

郭景純純忠大節、皎如日星、惟多尚術數耳、其信命處亦謬、不信命處亦謬、日近婦女或諫之、

笑曰吾所受有限惟恐用之不盡是知命爲導
淫之助也故曰信命亦謬明知緋衣小兒明知
雙栢樹下明知日中則遇害之地遇害之人遇
害之時早知已定矣遇桓茂倫于溷而擲劍大
詫又何見之晚耶故曰不信命亦謬此無他知
數而未知道也知天理之命必與道依知氣數
之命或與道悖一以俟之一以衡之朱子曰數
學到堯夫方歸到理上正謂知其然而盡我所
當然也

學陶有法

聞淵明之風者、濁夫、潔躁夫、閒閒、潔是善學陶也。若學其飲酒于陶何與。又淵明有二事、送錢二萬、盡與酒家、以巾漉酒、還自着之、因大節質行、併成高致、不礙其爲陶也。豈以此成陶而不善觀古人者、每每稱之、使淵明生無大節、死不蟬蛻、此二事直世俗之不善治生、不守德隅者耳。今有人焉、不孝、不弟、不信、不敬、獨于泉石、魚鳥間、時見悠然之態、使果出肺腑、其與春風詠

歸固自霄壤也。寧云高致幽韻足參上流賞列耶。

東坡譏梁昭明

儲君一念好尚。是風俗邪正。國運興替之本。出於淫靡甚易。出於靜正甚難。何則。所居之地然也。昔在齊梁間。天下風俗文章競趨艷冶。無復綱紀禮義。貞靜幽閒之致。昭明太子超拔流俗。敦尚風教。曠慕淵明。獨謂微瑕在閒情一賦。其言極正。大使得充此志。以臨天下。何至邇降爲

陳隋乎。東坡乃譏其小兒強作解事。設令坡老與昭明同時。爲之左右。見此序。不知從而將順之乎。遏抑之乎。遏其正見。導以邪思。則臣之賊也。若亦知邪正興替之原。必不爲此。則柰何稽古論文之際。輕爲詆訶乎。學無真主。言不繇中。風流跳躍。厭聞靜正。仇疾伊川。與此同類。高人狂疾。最可惜恨。少時見朱文公說。使蘇公作相。引秦黃輩滿朝。較安石。呂蔡害事更猛。駭以爲何。至於是。蓋安石所引。功利喜事之人。東坡所

引。謔。浪。浮。華。之。子。安。石。爲。相。使。天。下。人。喪。其。命。
東。坡。爲。相。將。使。天。下。人。喪。其。心。要。之。全。人。難。得。
誤。天。下。者。未。必。無。益。於。天。下。在。用。之。得。宜。觀。東。
坡。在。當。時。自。是。好。諫。官。好。學。士。好。郡。牧。但。不。可。
使。之。居。輔。弼。耳。安。石。亦。然。

著察在忠孝

吳艸廬詆武侯溫公爲不著不察豈所爲無忌
憚者耶著察莫大於忠孝不知其生平所著察
者何事以宋

臣元其詆二子不亦宜乎楊

雄非訕屈原頗與相類第更多劇秦美新一篇文

武侯大著大察

純任天資不加著察雖今天資至高所行必有差處觀郭汾陽王可見矣諸葛武侯一生無過舉正其靜中學力但天資最上自幼未嘗涉昏迷嗜慾一分即用功處亦不消十分堅苦故身繇著察之道口不爲著察之言而後人因疑其未得列於聞道見性之流則惑矣試思大舜精

察文王不識不知是一是二蓋就其洞達微奧
無纖芥模糊則謂之精察就其明白自然如有
目者逍遙大路不煩顧盼擬度則謂之不識不
知忘乎悟者無悟可言悟之極也學者隨處體
認正是著察工夫但在上哲身上此四字亦難
着孔明雖未必舜文之倫然觀其終身無過日
處戰場仍如高臥隆中胸無一事是何等地位
而反謂其不從體認得來則直與舜文生安列
矣夫知道者心與道一而必時時提醒曰此道

也不猶二耶。大抵武侯品致與周元公相似。彼無元公之圖書。此無武侯之勲畧。時不同耳。學者不於著察上又起葛藤。方可尚友諸葛。

朱文公最重忠義

忠義二字。至朱文公始大著。孔子雖有求生害仁之戒。然仁比干亦仁。微箕仁。孤竹又仁。管仲同異低昂之間。淺學者莫測其微權。而顧藉口明哲也。楊子雲恬淡。沉類有道者。然大節已奪。餘不足觀。程子謂其出處之際難言。猶有爲

賢者諱之意。文公獨反積案表章。汨羅嚴誅。投閣至挾其反離騷之心事。在訕前哲以自文。則彼著書立言。皆有可誅之心。然後天下萬世知失節忘君者。雖平生高致絕倫詞章。莫得而蓋也。或疑文公註釋楚辭。逐末已甚。嗟乎。豈知屈楊一案。固援千秋以感慨當代。激揚後禎乎。

東林自有定質

歲甲子。東林諸名士相繼膺禍。乙丑舉南宮者。或相謂曰。吾輩以壬戌進。不可一字附和諸君。

以今日進不可一字排擯諸君或服其高論舉以問某某曰是巨擘之言也然諸君瑕瑜不相掩自有定質不因向非不因今是但起見於身之榮進歲之蚤暮則吾是非之本心秋毫不能主耶故趨舍當決於神明不當決於時勢果能炎涼而涼炎未爲知道也況心口之相應亦不易哉

魏忠節有膽

魏忠節何如曰雖有成心其膽甚壯莫能恐以

禍害人臣若此可與任事矣吾見其逮也寢食不變常度若夫誦讀橫襟每言視死如歸及有家難驚怖不能餐嗚呼患難死生之際固浮氣虛論之所必窮哉

信不信皆病

有醫士善治病遇某士惡人也信之專而療速某士善人也疑信半而療遲醫於其疑信半者愠焉某謂曰使其也能信其爲善更強使其也能疑其爲惡猶緩故善人不能信公是其病也

惡人能信公亦其病也。

明暗淺深意象

凡人學問最淺則易矜。稍深則漸歉。有某生者以地理選日行頗有慧資而空疎妄誕其於地理惟見人子須知一書耳。叩以他經皆茫然。於選擇乃考訂十八家書。每日吾相地雖曾廖未能過選日則尚須究心。及考其實凡爲人扞地無不失龍失穴。先公初葬曾爲所誤。至選葬期及各事頗安妥。有小驗乃知其堪輿茫無頭腦。

故敢爲大言。而選擇已。經究心。自覺未能貫穿。故有負歉語。學然後知不足。小技猶然。可以學道之士。而沾沾焉存自喜之氣乎。凡人臨事處所明。必兢兢詳慎。處所不明。必艸艸忽畧。嘗見數堪輿點穴。數醫士察脉用藥。皆然聽言者聽其自誇。則知其所全未聽其歆然不足。則知其所稍淡。此亦與人乍相晤而畧得梗概之一法也。

心光直長

豎物光長橫物光短眠燦於庭光不盈丈立而
耀物不啻十倍百物心橫惟人心直是謂秀而
最靈萬理合照焉嬰兒始生竟日橫受纔及三
月橫之不受骨力未盈已欲伸其戴天履地之
性矣眠中或起妄想披衣起坐豁然退聽百日
嬰兒不喜倒身是故大人。心官常立。

膽出于仁

仁人有膽其素若怯。遇艱危必決。膽在肝中者
也。肝膽皆仁氣。而肝爲將軍之官。物莫勇于春。

木。人。心。莫。勇。于。好。生。不。仁。之。人。春。木。之。氣。蚤。虧。
退。縮。必。矣。叛。臣。降。將。死。氣。滿。身。志。士。仁。人。生。氣。
滿。天。地。

華夷同天殊地

天。氣。流。轉。不。定。華。夏。得。此。天。夷。狄。亦。得。此。天。譬。
如。更。換。迭。受。故。氣。之。所。至。皆。生。人。生。物。地。形。不。
動。華。夏。長。處。華。夏。之。地。夷。狄。長。處。夷。狄。之。地。則。
人。生。性。情。迥。若。薰。蕕。矣。地。形。大。段。分。別。既。爾。卽。
一。方。一。境。豈。無。吉。凶。之。殊。古。聖。人。相。宅。卜。兆。誠。

悖。明于天地之故也。隨寓而安。擇善而處。何嘗相

安親不可避嫌

親生求悅其志。雖竭力不爲奢。死而求善地。以安之。使無土中諸患。至情自不能已。避求福之嫌。委之適然。此正名根。何名信道。

捨然後省

凡事須割捨。方得簡省。然須心氣常清。遇事沓來。孰緩孰急。宜行宜止。方能分辨。若心緒煩亂。

非但理不及。且是省不來。

夢皆因想

夢有因。有非因。窮之莫非因。有想。有非想。窮之莫非想。

夢與事循環

禍福將至而夢兆之。然或因夢以胎禍。魏元丕夢登白臺。受桑道秀之諂詞。而不以憂死。梁武夢諸州以地來歸。以語朱异。及侯景納土。其日適與夢符。後卒餓死於景之叛。丕之死。道秀死。

之也。梁武之餓，異餓之也。令不告二人，二人安得窺其欲進誑語以階禍亂乎？書生素畏鬼，獨寢一室，夢鬼登床，怖而語僕。僕乘間置土其枕上，書生益大怖，得疾幾殆。是皆因夢而胎禍者也。元丕之覬覦，生於夢；梁武之夢，生於覬覦；二人之循環也，書生之夢，生於怖；其怖而病也，復生於夢。一人之循環也，是故晝無妄思，不作恍惚顛倒之夢者，正士也。有如未免，勿以告人，增脩以消其應，息念以化其續。

怠生忌

人方自怠見賢者則必忌之形吾短也一旦猛奮又有不肖者從旁而忌之於是漸欲親向之所忌唯終身不奮則忌人者終身不已鶴鹿蒙嘲於鴉鼠林蟬砌蚓致誚於北海之鯢鵬鴉鼠終不爲鶴鹿者也蟬蚓終不爲鯢鵬者也好勝者忌心淺暴棄者忌心淡

志惡因無志

立志是提起主意必應屬於爲善緣何世間有

立○志○爲○惡○之○人○此○不○繇○提○起○而○得○反○繇○放○倒○而○
得○放○倒○既○久○爲○習○染○捆○縛○定○嗜○慾○上○不○占○一○分○
便○宜○卽○過○意○不○去○却○似○亦○成○了○箇○爲○惡○之○志○其○
實○只○是○無○志○

凡似聖

凡○常○與○聖○似○有○聖○人○之○言○有○聖○人○之○行○有○聖○人○
之○心○當○其○誠○於○爲○善○與○聖○何○異○顧○不○似○時○多○爾○
若○一○生○言○行○念○慮○無○與○聖○人○同○者○遠○禽○獸○不○遠○
矣○然○見○幾○人○哉○故○曰○人○皆○可○聖○

習能晦生身之人

少而寄育者長則親其所育之家即告之以所
自生彼信之矣而積年恩意不接欲其轉疎爲
親非旦夕能也耳目習溺則天性難明生身之
人。生。生。之。理。皆。有。溺。而。晦。之。者。矣。以。乍。明。破。久。
溺。不。易。其。人。

知人反自害

操欲威遠。選季珪自代。已而悔季珪容度。反不
如已之足。以威遠人。遂殺虜。使操之獍狔猾賊。

一至於此。凡知人者。上以立功。下以遠害。虜使輕洩其識。反以自戕。不如不知之愈也。君子內省無所不至。此雖虜人可以借鑒矣。故觀人以不知爲患。既已知之。有時不可言。

明哲全歸

明哲保身。仲山甫存之以事君。中庸存之以行道。蓋不能保身。或至桎梏而死。皆不知遁之故也。不學故不知道。聖賢一身道學之主。百世所宗。自應全受全歸。是故知幾其神。又不與致命。

遂志殺身成仁同論

孔孟講說

孔子憂學之不講。不知是如何講法。孟子直發揮出來。有個詳說。有個反說。詳卽如今人辯論。反則是體認天理躬行。亦反說也。默識亦反說也。古人辯論爲恐體認或誤。故須辯之。今人雖反說到至精至微處。只是說話。然則且莫講學。先體貼孔孟講說二字。

講學爲何

講學總是爲脩德地。徑脩不講恐有毫釐之差。但聖人講學是誨人意多。吾人講學是自考意多。以講學爲諦者固是叛聖之徒。不量時世而必以講學鳴亦須反求諸已。我果欲自討明白。稽諸古訓驗諸身心。正諸一二有道有何欠缺。如此不惟消末俗之忌。亦淡合遯世之宜。況同志相摩淑人。之功未嘗不隱隱自在。較諸建壇立盟反致禁挫者爲益多矣。

危微

理欲竝竅於人心。飢食渴飲。非其一端乎。知味得正。斯理矣。其而失正。或醉飽溢量。斯私欲矣。一事一念。莫不有利善。介於其間。危如之何。凡言危者。得失存亡之關也。若以私欲爲人心。則已失已亡。豈直危而已哉。道心卽人心之得其正者。與不正止爭些子。非必如一黑一白相反而易辨也。故曰惟微。

中禮非僅涉趨

相地者曰。吾彷彿形局。足令遺骸安穩已矣。何

必。深。究。陰。陽。遠。窮。山。川。之。性。情。支。幹。豈。知。陰。陽。
不。明。山。川。性。情。支。幹。不。見。正。不。足。以。穩。遺。骸。醫。
者。曰。吾。考。閱。成。方。足。令。病。人。蘇。困。苦。已。矣。何。必。
悟。五。運。通。臟。腑。察。百。藥。之。變。化。豈。知。不。洞。天。人。
不。察。藥。性。正。不。足。以。蘇。病。人。行。習。自。好。者。曰。吾。
矩。步。繩。趨。毋。涉。非。禮。足。矣。何。必。邇。繼。善。聞。一。貫。
原。始。反。終。豈。知。不。識。性。體。不。合。萬。象。不。通。始。終。
正。不。能。使。規。矩。準。繩。之。必。中。故。曰。動。容。周。旋。中。
禮。者。盛。德。之。至。也。盛。德。猶。未。足。以。當。之。而。必。極。

其○至○然○則○禮○也○者○豈○步○步○趨○趨○之○所○能○中○哉○

未發自慊

感○未○來○是○未○發○感○已○過○又○是○未○發○息○息○與○大○化○
融○合○無○間○所○謂○不○可○須○臾○離○者○此○也○故○高○子○謂○
悟○門○無○過○未○發○身○心○相○得○是○自○慊○使○天○下○各○得○
其○所○亦○止○是○自○慊○事○事○從○不○曾○向○外○尋○求○所○謂○
吾○道○一○以○貫○之○者○此○也○愚○謂○脩○持○無○過○自○慊○

脩悟

學○問○自○掃○除○嗜○慾○而○外○更○無○別○事○非○謂○澹○然○澄○

清○遂○一○無○所○事○事○也○嗜○慾○既○爾○消○鎔○自○然○思○慮○
精○微○義○理○充○實○人○倫○日○用○到○處○妥○當○漸○久○漸○熟○
便○上○達○天○德○所○以○脩○可○爲○悟○不○可○爲○謹○言○敏○行○
脩○也○動○念○或○乖○隨○時○提○醒○亦○止○是○脩○息○存○瞬○養○
培○於○未○發○亦○止○是○脩○惟○思○慮○所○通○忽○有○入○微○之○
處○是○近○於○悟○矣○然○猶○是○識○解○未○可○云○悟○悟○非○豁○
然○貫○通○不○足○以○當○之○學○者○當○積○脩○待○悟○不○可○求○
悟○忘○脩○然○則○畢○竟○有○求○悟○之○法○否○曰○無○事○時○息○
其○思○慮○有○事○時○慎○其○思○慮○此○卽○求○悟○之○法○

路貢發聖人之蘊

顏子發聖人之蘊。其次莫若子路子貢。老安少懷。爲願聞發。此莫說只是事功。聖人以天下爲一身。生平精神全副吐露在此。學者從此處認取。無我方得箇着實。下學上達。爲何爲莫知發。方信帝懷明德。只在言行慥慥之中。指點工夫。莫真於此時。行物生爲何述。發方識桂花滿山。有鼻者。個個聞香。拈示本體。莫顯於此。

聖學只在安百姓

適衛之日。百姓在目前。念遂及於富教。言志之日。百姓不在目前。念亦及於安信。懷無分。覩與不覩。刻刻與民生爲一體。所謂念茲在茲。釋茲在茲。餘外更無一事。方是聖學真血脈。

周孔芥蒂

于人世多所趨避。此世俗之有我。于人世一無芥蒂。此高士之有我。堯舜猶病。周孔日夜栖皇。無我之大聖。固獨存此芥蒂。于人間。因識陋巷中鼓琴而娛。與曾點堯夫意思。隱然有間。

不朽惟仁

朽○對○生○言○若○以○留○名○爲○不○朽○廿○一○史○及○百○家○子○
集○所○載○不○知○幾○千○幾○萬○人○今○世○活○人○心○裏○記○得○
幾○個○生○人○既○不○記○憶○臥○名○簡○籍○亦○同○朽○腐○耳○須○
是○前○人○之○精○神○意○思○常○在○今○世○千○千○萬○萬○活○人○
心○裡○流○動○充○滿○方○是○生○方○是○不○朽○其○間○大○小○又○
殊○或○思○慕○於○士○林○或○感○激○於○氓○庶○或○止○在○一○方○
一○國○或○翻○閱○史○書○使○人○擊○節○旁○皇○或○不○待○翻○閱○
自○然○淪○肌○浹○髓○各○隨○前○人○分○量○所○感○後○世○有○配○

雖後世仁人救實亦藉往昔仁人救後世有治。雖後世仁人開實亦藉往昔仁人開念至此豈但奔走嗜慾供百年之形骸者爲大愚卽自好立名思作千秋好漢亦甚浮而不切矣。生者何故思慕逝者此是今日之仁然則逝者何故感動生者只是當年之仁我也人也死也生也古也今也道也名也原來惟一。

多能不可學

古聖人多才多藝周公而後惟仲尼然關於人

事則不知不足爲聖人。如路死柴來。商羊修雨。具是也。不關於人事。不知不失爲聖人。商瞿五男。萍實霸楚是也。多本不可學也。設欲學之以益物爲主。從來稱博物前知者。在孔子時有子產。在晉有張茂先。子產行之以惠心。故幾於君子。茂先未免好智。則於道彌遠而不足以救時。

堯舜伊

帝典克明峻德之下。繼云以親九族。師錫虞舜。將巽帝位。止云克諧以孝。故曰堯舜之道。孝也。

而已矣。從此處看出伊尹撻市予辜。本與堯舜
猶病同意。身居相位。道宜然也。何謂非聖之時。
觀其云躬克左右。惟朕以懌。咸有一德。氣象辭
意彷彿擔當。意者孔子易地更益渾融。故曰聖
之任者也。從此處看出然畢竟非清和可班。故
西山桺下。監玩掩。成功告歸。無獎可提。

充惻隱之心

日隨處方便。日濟人利物。日萬物得所。日萬世
永賴。自目前以及無窮。愈推則愈大。要之一惻

隱之心耳。其別處在充不充。

學道在濟人

有種學人。錯認道字。謂道乃不涉事物者。于身不篤倫常。于世遂不重拯濟。見有伸人冤抑。扶人疾困。救人飢寒。則曰。此皆着迹。道所賤也。噫。是道之賊也。彼自喜清虛。其實隱藏淄垢。自居沉寂。其實反落浮游。且也長俗夫之鄙吝。饒養生之慈祥。口孽孰淡焉。切切濟人。此念直從大生。廣生來此。而非道何者。爲道近世錢廣漸流。

生易學最深深于易者宜若脫離事物然因張
夢澤有同善會心最樂之微而行之于毘陵忠
憲高子又微而行之于無錫彼皆默識先天之
人敦崇實事如此大抵人抱善心必得善業而
暢不肯脩善業還是未嘗懷善心耳豈有空空
好道而冰冷于天地之間僧家合放生會入者
甚多一點善心猶賢乎已第救人之功尤勝救
物士君子自行同善會聽浮屠自行放生會合
之適成仁民愛物之理矣忘同胞專念吾與輕

惻隱。仍貴慈悲。舍家法。踐彼後塵。智乎仁乎。

王政惜物命

文王養老之政。七十食肉。民家得食肉者。幾何。人人生得食肉者。幾何時。展少壯之孝。成風俗之儉。亦以養寡。殺之仁矣。自王政不行。食肉無度。戕殺物命。日慘日繁。大悲之教。乘極而興。凡有人心。不能不動。暗助王綱。大端居此矣。曰。然則后王君公。列鼎而食。亦非義歟。曰。勞心者治人。爲其育物理物之功多。既有功於天地間。則

享。天。地。之。所。生。亦。不。爲。過。若。謂。處。尊。優。者。宜。然。
斯。昧。義。之。甚。者。也。人。生。得。衣。裘。帛。日。飲。酒。食。肉。
長。念。吾。何。功。於。天。地。

勸人爲善

與。人。言。皆。勸。之。爲。善。於。所。親。勸。之。意。在。所。親。也。
利。衆。則。善。歸。之。矣。於。所。疎。勸。之。意。在。衆。也。彼。爲。
善。衆。乃。利。矣。勸。善。一。也。其。所。以。達。之。者。異。義。異。
而。仁。同。

庸德勝玄言

常行得平平好事來。已是高品。常說到超超玄著處。不過名言。

天人不二

或問天人是一緣何人可欺。天不可欺。天人是二。聰明明威。曷嘗有二處。曰。人有所蔽。故受欺。此與天二也。無形骸。無嗜慾。則人安得而欺之。故至人卽天也。且如楊子雲爲人。不惟欺過當。世且欺過後世。自朱文公指爲莽大夫。而自宋今。皆知其不忠。若非人心原有此忠君之靈。

性。安。得。一。點。破。後。人。人。不。疑。則。雖。受。欺。蒙。蔽。之。人。亦。與。天。一。也。

微旺迹衰

金石剛堅其初生只滴水又其初只是微茫之氣凡物到畱得渣滓處精液已少氣益少如種子變爲萌芽萌芽變成樹木樹木燒成炭炭然爲火火過爲灰至灰則精氣全亾而渣滓猶在三才之理微而愈旺迹則愈衰凡人作事趨其旺者不趨其衰者君子爲學務其微者不務其

迹者。

各隨所見

俗人隨見皆俗。文人隨見皆文。學人隨見皆學。魚鶴竹石古文圖書皆以爲吾所貯之賄也。孰非俗也。絮泥溲渤與塵尾金玉齊入詩料。偕助談資。孰非文也。市井角論蟲吟蛛網皆有條理。節奏經緯焉。入耳目而通心志。可以脩身。可以治人。孰非學也。

太極主不測

堯之宗廟子孫得大舜爲之安頓。舜之宗廟子孫得大禹爲之安頓。當年有一點私心傳位朱均。饗保不可期矣。堯舜是太極。其配合是兩儀。所產育便如磨中出粉。粗細方圓一歸不測。堯舜惟存得太極心腸。故能爲不測之主。聖人稱大德。所以說到保世傳家上。只要指教人存心。大公着不得算計。要之大德中自無失算。大抵有退着無進步耳。當退而退。孰非自然。

無極無善

無善與無極亦何殊。曰。同爾。第立言有弊。不弊。周子云。太極本無極也。陽明不云。性善本無善也。聯言無極。而太極之義明。直言無善。而性善之義隱。聞無極者。悟太極。聞無善者。掃性善。立言之際。微乎。危乎。

毫釐千里

大舜言惟精。夫子又申之曰。差之毫釐。謬以千里。此是說根株處。譬如發矢。不正。則矢至處。所失必多。若據矢所至觀之。差尺則尺。差寸則寸。

爾何謂根株。發念處是也。根株之得失。大事小事皆有之。發念微分。而究竟有千里之異。非專爲窮理致知言也。

常人有從容中道處

道理平平常常。現現成成。只被嗜慾意見隔斷。所以理會不來。體貼不出。聖人從來不萌嗜慾。不起意見。浹洽純熟。不勉不思。自然不差。所謂中與得。只是不差耳。其所得與所中。亦只現成。平常之理。若謂道理固高奇玄妙。而聖人以聰

明之極。獨能中之得之。豈其然哉。吾人日用間。坦懷應物。亦有自然不差處。此便是一事之。不勉而中。一義之。不思而得。聖人則事事義義。如此而已。

能舍爲量

不靳利。世俗之量也。不與物競。君子之量也。舍已從人。聖人之量也。量本是一容字。推其根。乃是一舍字。粗之舍貨財。精之舍意氣。益精之而自舍其功能。

賢人以下無橫逆

橫逆有大小。度其將太甚。則遜而避之。事久漸平。庶幾消滅。其厲氣度其不至於太甚。則順而受之。彼既發舒之後。亦當悔生。若橫大而挺身往受。恐有意外之辱。橫小而反覆相抗。將滋長而無已。時此皆試驗之事。臨機應接之良法也。古人云。諸鍊鍊。然後諸俗。諺云。經一失。長一智。非多歷世變。不知。非因失留心。亦不知。然橫逆二字。不可輕看。前此須消盡惡機之感。若有一

毫感召。卽爲自取。直是當然。豈名橫逆。試看目前。感應作一事。到足色。妥當。便人人愜意。出一語。到十分的確。便個個點頭。爲人到得顏曾方說得橫逆。賢人以下。無橫逆。凡爲善而致人猜忌。來人輕咲。畢竟自家有差。

內自省爲非禮設

人惟一心。從外而感。惟有見聞。從我而出。惟有言行。言行發揮此心者也。故曰。君子之樞機。所以動天地也。樞機在心。動天地以心也。言行自

主我自慎之而已。見聞卽言行之出於人者當其非禮。或有不能不視聽之時。則奈何。至人忘之。我弗能也。常人恨之。我弗爲也。恨人非所以治已也。故又設內自省之一法。豈直非白璧之累。更爲他山之資。

審問

善鳴不易善叩亦難。聖人說審問之問所貴全在一審。漢明帝問東平王居家何事最樂。王言爲善最樂。惜當時欠却一問。所爲何善。則王必

更有對矣。學者聽言全要會此。一轉如聞人說一善事。必問其意思如何。做法如何。聞稱一善人。必問其心何所注。質何所返。才何所宜。此之謂審。加此一審。有三益焉。一得彼人之真。二得稱之者之識。三可返觀於己。若茫然聽過。則善事在人。我後來遇着機緣。苦無下手。善人在耳。我後日與之相遇。不知所以用之。豈非寶山空回。

樂與敬近

有天理之樂。有世情之樂。此言非也。世情適意時。安得謂之樂。故樂字獨不入七情之中。大抵樂與敬俱無可形容。合二者意味。却最相近。敬無念可執。惺兮虛明。樂無事可指。廓兮浩蕩。但敬初時是工夫。熟後是本體。樂則直是本體。

憂勤惕勵

朱子說諸聖存幾希。貫以憂勤惕勵四字。反此四字便是晏安怠惰。齊古邁俗只是憂勤。鄉人鄙夫只是晏安。民安物阜只因憂勤。綱解紐弛。

只因晏安非第此也。士子習舉業者一火鑄就亦爲憂勤。斷續不了亦爲晏安。非第此也。四民溫飽免罪亦在憂勤。破家喪身亦在晏安。此八字徹上徹下。自舜禹達於塗人。自帝王達於氓庶。

三才各有易

易只是變化意。要以須臾無息者爲是。三才各有易。在天地則氣爲易。象形不可謂易。形不變不化。象雖變化而遲。在人則心爲易。形色氣質

不可謂易。形色不變不化。氣質雖變化而遲。

異端出於易

異端邪術皆出於易。何謂也。曰。他經一事一理。語皆指實。影借難施。易教潔淨。只緣虛虛活活。寫個道理。其中無所不包括。到處引得去。所以禪門借証空無。玄門借叅鉛汞。其失之甚也。爲彼家且以導慾。且以害人。而一切兵法地理醫卜星相。無不托說焉。其中固有此端。而偏用之者。因以賊道也。譬諸仁之中原有兼愛。墨執之。

卽至於無父。義之中原有爲我。楊執之。卽至於無君。讀易不慎。則用易不端。慎之如何。正其志而已矣。正其志如何。學中。學變化。舉歸之人。倫言行而已矣。

二氏反求諸已

三教本截然殊科。至用力成功。有一必同之處。求已不求人。是也。作佛惟在明心。成仙惟在煉氣。心豈人可代。明氣豈人可代。煉所以釋氏以參悟爲直指。玄門以調息爲入手。總只自用工。

夫第使各守其正。各定於一。聽從自了。妨世幾何。自其教漸久。雜說繁興。釋有拜誦。裝建之擾。玄有爐火。採取之失。莫非着迹。槩涉有爲。在二氏亦斥之爲外道。爲彼家。二氏固已外已彼矣。外而更外。彼而更彼。於是壞心術。困民生。有更僕難數之害。且問天下癡迷男子。無論以形迹邀冥福。理所必無。卽如目前有大還丹。數顆還須葛翁旌陽工夫已到。服之上升。凡夫競吞。必將燒灼臟腑。生煩發狂。投水而死。是乃自速朽。

滅安望。驟鸞駕鶴耶。昔者

高皇稔二教之

難遽除。設僧錄司。真人府。以統之。姑令就彼道中。各歸於一。而無如後之居司府者。溺其旨也。竊謂宗伯當代治之。宗伯掌邦教。銷異端。未能尊異端。不可援合異端。尤不可莫若使之各塞旁蹊。各循本始。是則於理最勝。於勢易行。可服二氏之心。又可醒佩服二氏者之見。實異端不得不同之竅也。希賢希聖。惟在反求諸身。成佛成仙。決非求人可致。第揭明此一語。豈非二氏

大宗師

心曰正不曰虛

心無邪也。纔說邪正便是意。本當云欲虛其心者。先誠其意。聖人不曰虛。曰正。纔說性便非性。性本無可言。聖人不曰無。曰善。老子直曰虛其心矣。陽明直曰無善矣。必欲直截指點。却有多少病痛。惟聖人渾融言之。更無破綻。見道同而立教異。以其爲天下後世之心。有遠近疎密也。志是而教安。

老氏之學近於譎。不足以亂道。今之仙學近於
私。不足以亂教。其亂正者莫如佛氏。度盡衆生
之願。與萬物得所之志相似。空諸色相之說。與
克己毋我之義相似。而大謬有四。曰棄人倫也。
平等善惡也。自尊而忘本也。多假設而無實用
也。我循自然。彼拗本然。天地君親師爲五大。至
彼而獨知有我。舉五大而咸倍之。我以可見者
紀綱人物。彼以不可詰者籠罩世界。天地位萬
物育。唐虞成周。實見其事。此吾聖人之道也。道。

而不足以治世。尚得爲道乎。無秋毫可效之功。能而曰吾法能度盡衆生。妄耶。真耶。

實無無念時

夫子言善。然云寂不動。感遂通。無感之時。寂卽善也。有感之時。所通是善也。陽明先生言無善。然云實無無念時。念於善耶。念於無耶。雖其所謂念。與淺學之念不同。卽此良知。卽此戒慎。恐懼。然與無字終欠乳入。

轉語多反生病

只消除私欲變化習氣。此是爲人實工夫。消除
變化。又在應事接物上驗。若只心中懸想。口裏
高談。看得從心所欲。寂然不動。猶似第二義。轉
語得意處。却似竿頭無窮。一到言動私欲習氣。
諸病俱發。只爲少真實體驗處。空門誤人。使悅
其轉語之高。而不知多下一轉之反。滋病痛也。
不于中庸恰好上。每添一轉。不成禪理。不畱此
一轉。聽與禪家不顯中庸。

無分別是慧

或言分別者意也。非道也。曰子欲無分別耳。能
無分別乎。與子論道則應。與子論俗則默。道是
而俗非也。開口有分別也。今吾與子坐樓上。令
子從梯而下。則從懸絙而下。則否。從梯是從絙
非也。舉足有分別也。分別者物物之自然也。因
其自然。雖時時分別。而無或作分別意焉。我亦
一自然也。現處分別之中。而必欲去分別。此去
分別之意。乃作意也。謂作意者道乎。自然者道
乎。晉人謂仲尼貴仁義。老莊明自然。天下孰有

自然于仁義者而欲離仁義以爲自然。吾見齊
物論者之先陷于不齊也。然三字椽固以同得
之。當時釋教不昌。故獨明孔老之同。然則統合
三教之機已兆于晉季。不待今日之邪說也。

是非無往不存

俗人計妍媸輕重利鈍得喪之跡。聖賢則分是
非異端併是非而掃之。如孔明擇婦。正得阿承
醜女。不計妍媸也。然使德性不良。才不相配。亦
娶之乎。此就不計妍媸之中。分是非者也。執事

必敬與人必忠不計輕重也然事之緩者必罷
而不行人之不肖者必疎而弗近此就不計輕
重之中分是非者也楚頃襄之于秦宋之于金
皆不共戴天事之可以苟安拒之必召其怒決
以大義猶將拒之不計利鈍也然來而死守可
矣不顧其力憤兵徂征速廟社于喪亾毒生民
于塗炭又得爲宜乎此就不計利鈍之中分是
非者也三仕三已喜愠泯然下下中上聽人銓
注不計得喪也然令急職僨事三褫顰帶夷然

忘恤亦將托于寵辱不驚耶此就不計得喪之
中分是非者也是非之無往不存如此故曰無
是非之心非人也而奈何欲掃而空之掃空是
非亦止口說待人行事實不如此蓋異端自是
權教不特禍福諸說是權卽真空平等諸義莫
非權習其教者顧不悟耳試思善惡旣等天堂
地獄設又何用將云道自如此法自如彼則是
兩兩相反反道而行豈復成法使法得反之而
行豈復成道

先覺有不覺之時

先覺與釋氏所謂他心通同異如何曰先覺如明鏡長懸任物之來他心通如手握明鏡尋物來照特億之巧妙者耳且詐與不信固有不當覺之時如象僞喜舜便真喜設使他心通豈不立刻照破其僞縱使照破不言亦所以待他人非所以待弟謂覺弟之欺者是耶謂不覺弟之欺者是耶至誠故中庸般若必奇特

禪家作用近霸

四凶少正卯堯舜孔子何嘗廢誅罰然行之以德雖誅罰亦是篤恭亦無聲臭他人德未及此止是聲色化民無其德而欲廢刑賞則梁武帝唐代宗之崇尚空門自速危亡而已佛學莫淡于達摩玄學莫妙于希夷希夷不肯用世雖非老子初旨實後世仙宗之正傳也達摩若使用世其作爲必大異于梁武然極其力量不過如王猛之治秦大抵禪學淺者無用用之適以毒天下淡者有用然其用大都近霸而不近王曲

誘顓蒙。近于躡虞機鋒犀利。近于捷取。必世則彼所不欲。皞皞則彼所不能。

因果輪迴

闢佛者闢因果。因果與感應相似。豈可曰無信佛者信輪迴。輪迴不盡。非只是說得太板。

跳躍非自得

曾用苦功之人。雖既有得後。或時時手舞足蹈。其沉潛意思。常在若一味跳躍止。是浮淺決非有得之人。學道方術。無不如此。

大人微明

過于我者、我則奉之、不如我者、我則陵之、此流俗汚世情態、不足掛齒、過于我者、我則傲之、不如我者、我故下之、此魏其侯灌夫意氣、高亦不過田子方、未成學問、傲之、誠謂其大于我也、下之、誠謂我大于彼也、不知所大者何事、勢分足以定人之小大耶、性分又可自恃其大耶、亦曰居恒無敢慢、臨事觀是非而已矣、若夫所執雖是不妨退讓、此又克己之功、隨時酌宜者、但不

必。豫。立。退。讓。之。意。老。氏。以。國。與。爲。微。明。惟。多。此。意。耳。任。理。自。然。明。豈。不。愈。微。其。明。益。微。其。人。益。大。

真學問真聰明

學問之士易靠古人。不靠古人。是實學問。聰明之君。易立意見。不立意見。是實聰明。

無才只因不學

孟公綽是任煩之人。不加學問。若學問。則人人皆可充廣其才。無不能任事者。

人品學問分合

見羅李氏云人品自人品學問自學問二語開
閣之間似欠穩當有品之人未識學問自是質
美致然若既知學則不言品而品在其中矣乃
亦離而言之將所謂學問者身心乎知解辯說
而已乎。

明道于數隨悟應念

真知數之人知其轉變不得只是循理真循理
之人直循理而已矣併此數不必知明道先生

說堯夫數只是加一倍法將邵子數十年靜專
所得一朝悟之毫不費力數日後有人復問則
先生已忘之矣真見人生只須循理知數與不
知數有何分別費此閒心所以善悟還未見其
省力善忘方見其真省力處

命字聯天不聯天

四子言命凡貫以天者皆理也專言命者皆數
也天之明命理也其命維新卽數矣天命之謂
性理也居易俟命大德受命卽數矣五十而知

天命理也。賜不受命。道之行廢繇命。不知命無以爲君子也。卽數矣。孟子言立命正命。又皆是數。言理總欲人循言數。總欲人聽。

記命不記命

檢身窒慾。畧放鬆。便記得命字了。自提起主意。那管着命。榮枯得喪。畧馳慕。便忘却命字了。真信得命過一齊放開。

陰陽不專配君子小人

有大人不可無小人以事之。有君子不可有小

人以雜之。陽爲君子，陰爲小人。猶言陽吉，陰凶。大都云：爾有陽，不可無陰；有君子，可有小人乎？陰陽之比，陽領陰，陰不統陽也。陰與陽本相濟。謂如君子野人相成，可謂如君子小人相反，不可機事欲密。君子有陰，強暴無忌；小人有陽，陽有惡，陰有善也。可以陰陽定善惡乎？強陽之小人如天地之亢陽，陰險之小人如伏陰。皆氣中之戾氣，可專以陰屬乎？錢宗伯曰：小人強暴，乃陰中之厲氣，豈陽也哉？余猛省初見之誤，蓋君

子委蛇。總歸濟物。陽既傾陰。專言陽而義正。兼之。小人亢。勃總歸害物。陰既不統陽。專言陰而仁育去之矣。君子得陰之遜。無陰之慘。不患遺於陰也。小人似陽之猛。發無陽之委和。不得參於陽也。不相駁。幾不得其中。故窮理雖主於思。而尤資問辯。

陰類感召

小人女謁闈寺。異教皆足以感召夷狄。叅之古今。無不驗。而四者又循環膠結而不可解也。洛

有披髮而祭於野者。辛有曰。此地其爲戎乎。禮
先亡矣。其後陸渾之戎遷焉。晉人蔑禮教。崇虛
無。五胡乘之。特賜其蔑禮之意耳。小人如劉總
杜鴻漸之徒。不知君親。惟誦經飯僧。以求贖罪。
婦寺弄權。毒亂天下。尤尚佛法。戎虜嗜殺。徃徃
頸數珠而手白刃。臭味一也。故四者皆夷狄之
類。而異教又爲三者之根株。三者熾。有知之士
莫肯入其彀中。異教熾。則智慧自喜之人望而
趨焉。世風之所趨。治亂之關也。趨何急。亂何先。

君子必前知之。知而居下。救以空言。知而居上。救以行事。有權不救。更爲推波。殘踰屠創矣。

臣致君睽

欺罔誑誤之事。反出于君子。發覺駁正之名。反收于小人。于是雖有英明之后。眩惑生焉矣。致主心之睽。繇我心之有未盡也。是故君子立朝奉職。必誠必慎。

政因愚賤

爲政之道。無過因民。非以權與愚賤也得乎丘

民而爲天子。天子亦惟民。天視自我民視。天亦惟民。而況臣之事君以承天者乎。

漢武好大

大宛西南夷皆未嘗虔劉吾民也。聞有珍貨奇馬而鋒鏑其民以爭之。馬重而民輕乎。匈奴自漢高以來數爲邊患。誅之可矣。窮誅之則過爾。孝武之意皆出于好大。而其事又分。

取與一義

與之道起于人。取之道起于我。戒心遠行則宋

薛之金可受。無處則于齊不可受。取此物到我處來。便須看我子華。既爲弟子。又承師遣。又朋友代陳。儘似可與。只因富便不繼。付此物到彼處去。便須看彼。然則道二耶。義外耶。曰。自酌者在我。酌人者亦在我。奚其二。自酌則安在我心。酌彼所安。則安亦在我心。奚其外。

多財益過

富家子孫。儘有深藏若虛。生平朴嗇者。多財益過。未盡然乎。曰。財貨本爲流通。使之積于無用。

亦過也。驕侈之過。顯禍其身。朽蠹之過。陰損于衆。

孺慕非兒女情態

赤子之心。不可見。稍有知。則愛父母。非發見之。最真處乎。萬物皆備。皆備于此。大人不失。不失乎此。故曰。大孝終身慕父母。惟此慕。與他慕絕異。出門惘惘。有離別可憐之色。所謂兒女情態。不可與入堯舜之道者也。喜而不念惡。而號泣。是孺子之慕。所繇以入堯舜之道者也。少而欣。

欣外交。不戀其親。世俗必以爲高爽近道之器。
夫父母之慕蚤衰。固道之棄也。而以爲近道與。
童蒙貴少見聞。

耳目富。不如心緒清。養童蒙者。但使一切玩好。
游戲。絕于見聞。其爲無益之益。當無窮也。多見。
人多聽議論。恐益其枝葉。損其本根。